

卷九百廿一 九百四



文苑英華卷第九百二十一

碑七十八神道三十九

職官二十九刺史三

贈丹州刺史先府君碑一首

括州刺史贈工部尚書馮昭泰碑一首

豫州刺史魏叔瑜碑一首

常州刺史平真脊碑一首

贈丹州刺史先府君神道碑

張說

府君諱騰字成騰范陽方城人也張祖曰揮帝軒之徽肇勳弦

木賜

集作

姓上矣詩有卿士孝友史有留侯世家人葉至東漢

司空皓公子字北平太守始居范陽四葉至西晉司空華公子

韙

一作

散騎常侍乃僑江左昆孫太常復歸河洛故河東有司

空皆洛陽有散騎里後司空至府君十二代不失仁洩戾王父

諱弋 通道館學士考諱格格集作無祿早世府君榮生遣育四代單緒家世尚儒不及伯魚之訓外祖為理遂讀咎繇之書以明法歷饒陽長子二尉介休主簿洪洞丞以所願乎下事乎上以所願乎上交乎下及身與人何往不順臺選真白覆囚山南人謂是行有典刑矣昊天不弔年伍十二調露元年十二月乙卯捐背於縣廨夫人長樂縣太君馮氏父威蓋田丞敬循法度踐涉圖史顧復幼孤將就成立家道不殞夫人是賴享年七十有二傾背於東都康俗里弟光珪說不天夙遭閔凶又集荼蓼先王制禮不敢從滅以景龍二年七月己酉安厝於萬安山陽柩從周制也惟先君不祿俸不奉親不機杼不資身僚舊無雞黍之接况其非類乎族姻無魚鮫之受况其人吏乎是全其高而善其獨也過四十始閱六籍觀詩得之厚觀書得之恒觀樂

得之和觀禮得之別觀春秋得之正觀易得之元曰君子多乎哉事斯一言而已矣每誦道記三復三寶曰至人之心有以垂世又聞之太夫人云吾有子五十載非其疾無一日之憂大夫亦云吾事夫子三十年耳無忤聲目無暴色先君子之達世也其憂戀者專門在殯歟聖善在堂歟我諸孤無日敢忘及王母終養二祖封崇亦尚克家成遺志集作矣若夫安親孝也宜家義也翼子慈也軌迹隱乎含光故當代罕耀馨香發乎潛德故明神終勞先大夫久而益榮歿而不朽蓋此景雲二年天子嘉侍臣之匪躬念前人之蘊德二月乙巳詔曰故官某毓德高邁藏器下僚代載儒雅家傳清白河東佐邑長不欺之風山南履亦溢無寬之聽徂謝永久丘墳不飾啓茲令徹貞事先朝宜崇追遠之恩以表揚名之志可贈使持節丹州刺史王澤漏乎泉

壤國禮崇乎宗廟漢帝論士恨不見李牧之為人曾子思親泣
無逮楚王之厚祿道存達往痛矣餘悲緬尋前哲之所以間無
聲於四海視不見於百代者匪銘頌歟栢麟蔡邕其則不遠嗚
呼霜露交積松檟滋深兄弟永懷相顧將老胡伯虎豈敢掩大
人之清陳季方何足知家君之德小子銜恤非曰能文莫假辭
於他者務傳信於我也銘曰

猗嚴考用玄妙體大和竭高志貞夫一戒其多孝于親正于家
刑于順清厥心晦厥迹畏厥聞集無寶如何其謙儉孝集無慈
皇哉褒德永世有詞

故括州刺史贈工部尚書馬公神道碑

前人

金之為寶百鍊而惟精玉之稱德久幽而不昧聖人美焉君子
比焉可鑠也不可奪其剛可毀也不可污其潔偉哉馮公秉斯

操矣公諱昭泰字遇聖長樂人也說學於古史豈不聞舅氏之

厥初乎畢公逮德于周畢萬大名乎集作于魏別封之裔遂氏馮

城秦則丞相並時漢則將軍重世積仁鍾慶王者鬱興間晉南

浮因燕北號家變成國為天下雄勲業競五伯之先子孫齊二

王之後公即昭成皇帝之十代孫也高祖大將軍隨州刺史長

山公謙以寇恂之才翊代周武曾祖兵部尚書左僕射魏國公

世基以曹叅之力經濟隋文大父尚書右集作左丞檢校御史大

夫少府監揚州刺史集作長史文昌公長命以佳吏之名勤勞皇室

考仁高亮無祿子道不究故公幼而襲安昌公焉清明激激標

格峻整集作堅夏翟耿介無矯飾於韋絃寒松青冥不受令於霜

雪專經觀奧習法精理起家左奉格集作格是改讓賢府果毅撰文

州司馬為酷吏所陷罷官父之調榮州長史屬城慢法按而繩

之入計會府讐家橫訟明勅杖其愬者遷公宋州司馬朝廷翕
然知有王法復假右臺侍御史江南道廉察使類會高等加朝
散大夫進潞州長史堆岸受滯獨醒見嫉轉湖州長史公東濕
不回聚蛟交訕集作貶爲饒州司馬未行降使詳覆拜鄂州刺
史制曰公氣志剛勁操履貞潔歷佐藩條咸有聲稱詰奸糾謬
不避強禦若節清威若凌霜雪頃因訛毀遂有貶降使者按問
皎然明白俾從優獎特加寵命其在江夏異政風行入家太子
家令兼知內外鑄錢事國泉是殷盜鎔乃絕河朔淫雨帝思作
又俾公檢校刑州刺史散有調無人忘歎歲帝乃璽書勞焉其
肯曰卿忠於事君簡以臨下志私徇公之美歌謠所載擒姦擿
伏之奇吏人攸仰雖陳朔之貶黜邪慝王業之斥除貪殘無以
加也一郡清靜副朕意焉其後以戚思疑作思累移睦州刺

史復爲群小所譖左授泉州司馬未之任又貶榮州司馬公砥
節荒服天高聽卑旋除温州長史俄復舊階拜括州刺史水國
濺洳告嫉言歸景龍三年六月十三日終於蘇州之逆旅春秋
六十有五正人歎息舊吏集作傷感公清白傳家信義高世門
有奇士室無長物夫其善於鈎距長矜矜帶法嚴令峻人寬吏
急當官而行不畏集作說慝之口除惡務本而不求愷悌之譽
出入從官十有六職以謗獲貶者五洗謗特遷者四不曰忠乎
將無悔於九死不曰直乎馬往而不三黜故人謝而名益著迹
遠而風可懷也皇上志其特法不撓贈大理卿本其坐樹無言
謚之曰節窳窳之事一以官供衰榮之禮被於存歿是時天子
嚴詢山陵訓人追孝推心庶物馮澤幽泉公長子少府監紹正
次子給事中紹烈並構層堂仰延榮贈乃贈公工部尚書君子

曰孝必錫類忠則不墜載孫達其有後乎鄭公業為不亡矣夫
人瑯琊郡君右集作左相邢公及善之女垂拱二年三十六而夭
後夫人彭城君鴻臚卿善因之孫女景龍三年五十有五而逝
所謂齊姜昭前邦媛輝後碧樹先落悲同孫楚之妻紅蘭漸苞
貴在馮勤之母以開元十八年十月壬寅葬我節公於長安縣
高陽原夫人王氏劉氏祔焉禮也長子紹正少府監第四子紹
忠未仕第五子紹烈御史中丞孝乎二達之心思崇三絕之美
魏主而故賞幼婦之碑秦師不侵尊死士之壘揚名稱伐道遠
乎哉銘曰

古之志士忠不違集作為難倬哉馮公矯此雲翰噐噐集作噐噐群小
彼何足算屢困終直天下改觀輕用百年窮達相半貽慶二子
雙承天渙嚴嚴大理人命是懸聖明表贈王道無偏六卿冬官

百工攸序韓稜雖沒龍泉可許丘陵鼓舞兮改谷移山集作桑
歲月崩波兮有去不還唯德音與頌石傳不朽於人間也集無也字

豫州刺史魏叔瑜神道碑

前人

公韓叔瑜字思瑾曰魏氏鉅鹿曲陽人也考太師鄭文貞公致
君皇極配神清廟故祖德胄系叙於太宗之先碑矣公生育慶
緒天然炳貽教之姿少長德門日用成躬率之化性盤於孝友
習狙禮樂俛仰中則從容蹈道加以專精好古旁通多藝聖人
之所志聞一而反三君子之所能舉十而知九與同生璘琬知
名當代始以門資補左千牛轉洛州司兵司議郎職方郎中太
子洗馬出為懷州長史歷慶慈儀豫四州刺史春華譁於兩宮
時雨零於四郡觀風之使所在聲聞變雅之老到今遺詠其年
春秋五十有一終於豫州葬於集作于舊域夫人太原王氏祔焉

禮也議者以公不避強禦有昭子之政事不為皎厲有康子之
隱德虛已尚賢有文侯之樂善重諾分急有信陵之高義人鮮
有一况兼四乎公賦入封君妹歸帝子車馬無戚理之威衣服
有儒者之節儉而得禮富而無驕此蓋奉先人集無此字之素履也
公善於草隸妙絕時人以筆意傳次子華及甥河東薛稷世稱
前有虞褚後有薛魏此又貽訓之餘美也嗟夫公學埒向歆操
齊固變若天假三壽朝登六事則鄭之栢武可尋漢之常平一
揆而年近知命位止方州落鵬翼於半霄負天之力莫展頓龍
媒於局路追風之勢斯畢九原不作誰將與歸二子獻華追存
先德俾余作頌以慰罔極銘曰

昂昂豫州毓粹含道欽若古訓思文烈考於穆烈考維國之師
公承丕構思皇續之發軔臺閣風流榮問建麾千里澤霧四郡

位未克德命不遂才彼蒼孤善謂之何哉子孫必復丘封永父

穆如清風振芬集作芳厥後

其封二十常州刺史平貞脊神道碑集無

公諱貞脊字密一字間從燕國蓊人也蓋晉之公族有韓國者
列於世家韓之餘子食平邑者因為氏姓有漢丞相改造繡衣
在魏蓊侯宅茲玄社故瓜瓞綿于三輔枝葉盛乎兩燕魏齊之
間世濟其美公即北齊司空公鑒之曾孫祕書郎子敬之季孫
故偃師令貞客之叔子鍾積慶之洪徹包太和之粹靈敦龍沉
靜直方簡易仁義根心政理沿性度以禮樂文以詩書戶部尚
書清河崔知悌朝望人倫公之文友深賞延譽遠近宗馬始以
司成館進士補廬州慎縣尉刺史廬寶徹譽藏器下寮轉翼州
大都督府縣尉換晉州洪洞縣主簿北平陽道昕氣尚標舉河

東裴知禮鑿裁精枝陽推以孝友資身裴亦薦以經邦興化徙
雍州新豐縣尉州少儒引爲簡點判官差卒選校小大推充休
議登聞擢監察御史裏行奉使黔中監選有牂牁謝鳳節仁奏
罷漢官傳任首領公上其挾姦樹黨做擾藩落天子悟焉再使
置吏遠夷騷而旋定舊貫改而復完又駟牧在野攘竊是繁耗
以歲月莫之禁禦公詔車上隴群慝畢露表監官斛斯果之輩
奪職者九人沒藏者萬計牧圍知禁思無邪矣開耀間吐蕃侵
境師旅不給乃購運酬勲募耕人選利之所聚詐亦居焉公與
大理正王守一於河蘭鄯廓四州推獲餽糴王希古盧種王誕
其徒二千餘人正處其罪爰德疑作我直授監察御史丁內難
去職居喪過毀死孝貽憂光宅初肇建兩臺分典百郡服闋授
右臺監察御史巡察河南澄清郡邑昇賢弊罪能執其中類功

最加兩階拜右肅政殿中侍御史即官法天古難其選具美斯
在拜司勳員外郎永昌中遭凶黨網羅爲周興所奏貶温州固
安令州將舉清白改鴻州櫟陽令邑多猾人累宰敗駕公威簡
有素成結無欺一作率是而行人用不擾獄犴自靜狼戾反慙
詔書嘉譽加朝散大夫又罹密徒具錦爲河內所鞠降括州員
外司倉尋而事白進吉州司馬神龍中與官反舊政窮鱗沛而
縱整墜羽翼而順風拜司門郎中兼衛王司馬無何正除衛王
司馬拜太子左庶子以節愍之禍出爲涪州刺史未往又轉盧
疑州刺史致仕久之景龍中復起左諭德兼崇文館學士詔曰
公搢紳耆彥操履清淳令譽播於始終嘉績宣於中外儲闈論
諭雅望尤高宜中朝典俾加徽服可銀青光祿大夫又攝詹事
東都留守拜常州刺史居歲優詔致仕享年八十若干先天元

年仲冬薨於河南之正平里第遣令近地便葬歛以終服開元二年冬卜葬於伊闕之西夫人河東縣君柳氏祔焉禮也公出入四朝歷官二十其進也皆釋疑作能錄勤惟德是與其退也必含垢受屈在涅不錙子文之量從可知矣凡撰純孝友悌傳各一篇以匡儲后撰先君親友傳十卷以篤故舊撰家譜家誌各十卷以明系本撰河南巡察記十卷以辨風俗非夫通理博物立成錫類者其孰能見志以著書因事以設誠若斯之盛也有文集十卷行於代初公侍祠清廟有髦士之宜而先考偃師贈蒲州長史自祖考三葉塋無碑記公咨諸通儒而追建銘碣幽趙之士以爲美談夫爲子則頌德以尊祖飾終以榮親孝之大也爲臣則不枉毫髮以顧私不避豺狼以撓法忠之至也繫志則利不涉口欲不萌心清之源也履道則不俛眉以悅勢不

屈色以苟正之方也詩曰仲山甫舉之公有其德傳曰左丘明恥之公有其直愬是四善遠齊二賢於是苾芬令問優游眉壽惠風激于勝流丕績敷于哲后然以忤彼權貴保茲介特不登三階以正四國貞白之侶愾焉大息其孤總授充窮泣血靡所寘懷俾余作頌布哀豐石恭惟先人之察友嘗奉長者之話言公雅珍確實不尚華靡敬順風觀直紀行事業廣祠禰萬無髣髴少子授八分之妙獨善當時公平曰惠愛故存之刊刻詞曰峩峩叔德克生休命履孝蹈忠含清體正如玉之潔如金之鏡高明詢疑作美學以潤之官方正事靜以鎮之嚴嚴憲府公三峻之赫赫儲宮公三訓之道有行廢時有不泰三入三黜無愠無喜鼓缶而歌懸車致仕全歸葬儉先也君子西山幽幽東川悠悠雲過墳闕風薄松楸人亡道存榮往哀留貽世作則行歸

於周... 文苑英華卷第九百二十一... 登仕郎胡... 鄉貢進士彭... 叔夏校正曰... 碑七十九神道四十... 職官三十刺史四... 贈涇州刺史牛意碑一首... 贈隴州刺史王行果碑一首... 贈邠州刺史郭敬之碑一首... 贈涇州刺史牛公神道碑... 張九齡

文苑英華卷第九百二十二

碑七十九神道四十

職官三十刺史四

贈涇州刺史牛意碑一首

贈隴州刺史王行果碑一首

贈邠州刺史郭敬之碑一首

贈涇州刺史牛公神道碑

張九齡

夫志道莫先於無欲福善莫大於有後始而晦跡終不近名非道德之合歟生我勞臣立而集作于遠績非善慶所致歟所謂伊

人其在牛公者矣公諱意字某其光子姓實始殷後有牛父者則宋之大夫徹裔蕃衍人物更盛邠為護羌校尉崇為隴西主簿遂家隴止是稱冠於其後因官安定爰處鶡觚今為郡人亦既重代矣公之族祖有奇章公者隋室宗臣風流篤厚典章積益百代可知天下稱之地靈斯在太父通秉志高尚守道不携

當時交辟辭疾不起父會弱齡早大有才無祿公夙遭閔凶終
 鮮兄弟性且純至孝思罔極幼以子立志不違初與道為徒求
 仁自我不屑軒冕考槃丘園雖云屢空晏如也六郡自古五方
 雜錯負力恬利上氣好武人庶相放風俗不純及公沖和其返
 真樸外以義行格物內以默致順神不飾智以驚愚不棄同而
 即異有恒其德無斁于集作於人隣落為之變風狼戾以之率化
 公既浮雲不惟介石惟一或勸之仕但笑而不言飛鴻冥冥為
 可量也開元六年隨子西征以就色養春秋高矣道茂年衰魂
 氣其歸賢達共盡越五月寢疾終於伏羌之官舍時年七十有
 六冬十二月歸葬于北原夫人同郡王氏不享偕老先是即代
 母儀婦德宋子齊姜自歸于我且而集作爾家室不有配德曷生
 此子有子先客為國之良用而君耕戰之圖脩克國姜胡之具

出言可復所計而然邊捍長城主恩前席且以子貴之義有加
 父存之禮玄澤下逮素風激揚陰德所流大福斯至十八年有
 詔贈涇州長史二十二年冬且有後命贈使持節涇州諸軍事
 涇州刺史夫人追風大原郡夫人於戲存而累仁沒有餘烈福
 自詔於互體道非冀於異時及其影響同符寵光如答雖松楸
 已拱而章綬集作綬載華死有可作無異會稽之節生苟為恥安
 用鴈門之內貴與不貴可不然乎嗣子銀青光祿大夫太僕卿
 判涼州持節河西節度使兼隴右羣牧都使支度營田使隴右
 採訪處置使攝御史大夫隴西縣開國子仙客叩心追遠昊集作號
 天莫逮以為先美蓋聞後嗣有愧且澤漏幽壤得不銘恩名典
 本州豈徒錫美而已銘曰
 隴上多豪山西好武使君貞獨又不斯取惟道為徒與代為集作立

卷之百七十一
矩善有餘慶風亦變古不學而知不行而至跡有相混名無自
異出入百年終始一意福流于後神明其事行止於身用存互
體厥子嘉績中朝緝禮卯迴壠隧門重旌榮逸人之墓今同郡
郎

長安縣尉贈隴州刺史王府君神道碑

李邕

邕聞才不必用度

疑作度

有必鍾盡滯或章於時首止終會於古

故志氣也不謀於食而謀於道生祿也不在其身即在其子始
終致備後起追褒謀翼孔彰前循萬種互體相發他日同時衰
榮大來幽明通感長河一曲所以端其清源高山四成以極其
層阜粵未可測已府君諱行果字某太原晉陽人也其先抵于
魯稷幹于季文枝于翦離條于吉駿代關絕疑史朝弗曠官自
古及今令名不去六太祖叡後魏尚書令封中山王贈太宰謚

曰宣五代祖襲吏部尚書嗣中山王惠曰惠高祖忻散騎帝侍
北肆州刺史謚曰穆曾祖子景徐州別駕北豫州司馬祖元季
府君屬隋政分崩賢人伏匿誓言避地執心葆光伯以族弟本
州遠慮物義辟大中正開府儀同三司考有方府君皇朝岷州
刺史皆寵義從禮尊仁依信增業以行道兼濟以守官府君間
氣茂靈上德純粹風度簡曠神情秀拔衣冠禮樂超等出徒博
達聰明舉衆敵國無成足乎多藝不器非其一名讀聖人之書
閱上將之略每及忠公大節孝友志情太息戶庭垂涕枕席憮
然有開物致君之意立德顯親之心皇士目之通才許之好人
一作仁從田蘇之由求已慕蘭生之義至於乎晝耳聽口誦目數
覆碑背局答難詩賦公每屑馬人所服者弱冠以方聞授潤州
司兵參軍事自頃上官養求同案侵欲或專恣儉嗇或懷其安

荒以覲禮容載敷先訓不侯憲矩若對神明信所謂正刺邪德
形物至於此也未幾宅岷州府君憂七日絕漿三年廬墓泣變
青栢祥臻素鳥野老明徵邦牧表異府君泣面而視瀝肝而言
曰所不死者恐貽慈母痛悼豈願居單外買聲名叩頭止之外
除宋州司戶參軍日者甫疑無水虎唐諱士有凶年奸吏舞文
詭隨畢賦誅求公聚作爲賙給者習爲常焉府君位其農郊什
其居室正之以法糾之以詞勿言寬征足革舊染議者以爲平
宰社肉武習宮人一荒知秋百爲有典矣總章歲駒麗負海欺
天國家沉舟討罰衙急宣之明命濟懸軍之見糧董其轉輸舉
于幹職是役也繫公遷長安尉無何丁太夫人艱禮異於經毀
甚於昔且二尊孝等徧罰事殊往顧慈親今極真性臨穴號咷
仰天殞絕嗚呼孝歟春秋三十有七夫經德而夭代人所悲職

喪而滅錫類所痛有一於此則可以束名教感人倫况兼而極

乎夫人中山甄氏父雍州豐崇府左別將黃被縣開國男食邑

三百戶行府君之息女嬪有令言母有彛則從夫德貴訓子業

崇力遷於山祔同於穴粵以景龍三年歲次己酉十一月庚寅

朔十三日壬寅合葬午洛陽清風卿之原禮也長子駿慷慨英

達激揚忠孝誦習文忠昭宣幹一作略元宰經國上將眎師申

通明之偉才竭寅亮之誠節其忘如石其心如丹五閭三邊少

籍多得空始一作疑無所逞其計合敬所用其絳李牧十年武侯

七縱盡丘聲一作勢於河外揚至威於海濱三士列其多備九原

備其光寵開元年十一月八日制曰存樹其名沒而不朽絲

惟有飾弘是典章兵部尚書同中書門下三品上柱國行

果粹靈誕和敏德成器高節風著盛名有歸雅志未申促齡永

謝衆賢之美不展於亨衢而積善之徵克崇於後嗣歲紀方邈
徽猷目遠宜申寵贈使持節隴州諸軍事隴州刺史勲如故次
子暉故邠州永壽宰神和體正經明行修有角無齒惟天之道
與才不壽匪身之辜兄也孔懷恂然增感願述先德克贊豐碑
高燥有以壯孝心懃蘇有以敬賢慕其詞曰德不辜慶有績迹
時晦賢必復名實才尊匪祿博之藝窮簡竹耳藪聞心以蓄乎
未止目猶逐碑可皆弁能覆坐嘯委行道勗孝深至滅太感獎
教義揚雅俗位嘗卑齡雖促推仁信致戩穀鍾令子發華族振
武旅廣文囿于六切經廟堂掃邊服昭皇考贈丹較臣義著子道
足衰且榮幽旣燭考罔已性相屬碑乃建神祈福

贈邠州刺史常公神道碑

韓休

夫賢者所以稱至業也居賢而德故有尊位者所以叙才用也

有才而位不必貴緬覲志則代有其人焉公諱鈞字季和京兆
杜陵人也昔太彭授征代之任惣齊群后立爲商伯扶陽擅儒
雅之道儀形列辟起爲漢相由是邁種厥德光昭盛門軒裳弁
葉以濟美靈庭肝蠶而相屬故夫重暉共業啓彼玄緒淳德介
祉歸諸後昆者焉曾祖澄皇朝國子祭酒儒門肇業國庠貽訓
祖慶植皇朝舒密二州刺史政成師長化洽黎元父璠皇朝駕
部員外郎譽重國禎道高人望光膺三署之拜克彰九德之美
公淳輝秉靈鴻芬錫祉含英秀發揚光炯曜其少也則圭璜自
然克有成器其長也則禮樂攸在光其大名式士古訓洽于前
列懷利器而待割含虛名而獨照學無不綜窺先王之書府言
必有則得夫子之文章挹其道則虛往而實歸論其德則敬容
而貴允所謂而知君子邦家之暉者也解褐以常調授綿州魏

城丞矯曾翰凌絕壑立茲政聲弘彼邦教以允異擢授雍州長
安尉未幾遷雍州司士參軍起于輦劇佐此神京既位以才遷
亦高由政舉無何轉洛州陸渾令京臯底績河縣為榮銅墨載
美弦歌用譽以親累出為晏州嗟峨縣丞尋改授雅州司功參
軍遷雍州三原縣令又改授邠州三水令又改授岐州扶風令
窮通在命喜愠忘我當運而寵辱不驚養空而追止恒適用能
因事立訓自公滅私雖得喪繫乎其時亦風軌存乎所莅者矣
嗚呼物不可以終否道不可以遂喪弗然順之艱以貞之俾夫
大亨則自天而祐之矣景龍二年聖人發明制彙有功授太子
司議郎內供奉尋正除乃遷尚輦秦御秦承嘉惠肅奉彝則膺
美選於禮門拜殊榮於御府又以親累授果州司馬尋改授漢
州司馬公道直而正德貞而脩雖行必恒存而運無常泰善不

違已固無負於神明累則因人亟又從於貶降且人有厚於德
而薄於命行其道而屈其身者歟栖遲不列竟以卒歲以開元
十一年十二月十九日遭疾終於漢州之官舍春秋六十有四
惟公含弘光大洵秀冲雅澹然而靜謐乎以清神崖自高海量
孰測韞隨和以增美將淮蘭以共芬而天鬱斯茂朝榮莫及盛
名空斯一作在昌運不留可為長歎息者也以開元十二年七月
二十五日遷窆於萬年縣洪固鄉陪先塋禮也公之弟四女蘭
畹生秀金閨植德之以良家之選參帝子之榮克彰慶善之餘
允協徽章之命開元十三年正月四日乃下制贈公邠州刺史
贈先夫人薛氏為晉國夫人制曰代榮簪組才稱楨榦方居參
佐奄謝中年朝選良家既聞餘慶義崇恩禮爰在飾終宜分符
節之榮無忝笳簫之夢可贈使持節邠州刺史并贈夫人為晉

國夫人非夫弘風勵俗明察在人豈能褒崇光茲訓翼者也君子曰管氏之世祀不亦宜哉其斯人謂歟有子尚舍直長悅然等晉之明用幹蠱而在克永惟孝思訓我淳測播美於穹壤用圖芳於篆刻乃為銘曰
五石曰石
公取石
緬彼大彭兮佐於有商自我楚傳兮慶流扶陽逮茲後昆兮奕世以昌誕此明德兮與時而光良玉不斷兮幽蘭自芳為邦之彥兮為人之綱胡德修兮而命之不藏既道崇而位薄亦身沒而名揚嗚呼積其善也聞季女之寵章崇其構也稱鄭公之不亡勒貞石旌高堂德音昭昭以孔彰俾夫墮淚之美者豈獨峴山之陽

壽州刺史郭公神道碑

苗晉卿

公諱敬之字敬之昔王季之列乎周魏叔之徹或謂郭建國命

氏百代可知則有彥昭築臺尊賢師隗漢祖分邑行賞封亭曾祖廣意光祿大夫生益儒為馮翊之表也雞犬之聲相聞公先祖復徙宅於華山之下今為華州鄭縣人也烈祖履球金州司倉大父和涼州司法並丕緒濟美不殞其名端操履正有恒其德故鄉黨交友以為法度嘗謂人曰吾居閑而不悶其寂望榮而不貴其厚有道則仕豈牽乎祿則居之所以從好利貞亦其自然所以不至大官大邑也各尚其志夫復何言皇考通美原主簿器大孤特識精兼照明究羣書英聲跨邁於遠近矣初履畿甸搢紳歸高將昇臺閣雲霄自遠惜乎才仰餘地命嗟促齡公受正天性承家高範一作致用成於私室可試進於公門望形而高深莫窺聽言而是非不惑所莅造適不可得而詳也凡歷州掾至別駕者三轉府寮遷即將者五兼團練監牧使各一

除吉渭緩壽刺史共四州累勲止柱國進階中大夫其牧守之
理皆政聞一方化行千里變俗思義一作施恩酌物從宜而節
費尚儉用簡鎮靜清可率下寬能安衆舉事皆當察情必盡所
謂愷悌君子人之父母何異乎仁風甘雨被於萬物也故天子
璽書慰勉以彰分憂休績之聞焉未進百祿可延三壽享年七
十八以天寶三年正月十日遘疾終于京師常樂里之私第聞
者永懷咨嗟揮涕夫人平原郡君河內向氏配哲生才夫賢子
令德高佐美慈加訓深嗚呼哀哉慶可延而靈不祐先穹泉而
別華堂天寶十三載四月二十日合祔於景兆少陵原禮也頃
羯虜犯順王師討逆公之子子儀任愬元戎誓清大盜常山擒
敵之後靈武翊聖之初成我六軍前驅效死於是掃秦里之寇
復開奉天繫陝郊之俘更收洛邑加以蒲坂之下淇水之上摧

暴廓地二城無虞况師不遷延功皆戰伐豈敢言病必先啓行
此由許國捐軀輸忠奮勇或謂公曰書勲疇賞莫與為三公曰
我國家將去否復必反正伏聖威而誰敢不雄奉眷謀而舉無
遺策非為已力所謂天功帝曰朕嘉璽竭誠稟命平凶除惡遂
自御史大夫拜兵部尚書同中書門下平章事俄而改司空換
僕射又除司徒兼中書令列爵代國實賦千戶蓋武定聲偉若
茲巍巍者也他日又追贈公亡祖兵部尚書亡考太保亡妣魏
國夫人第姪子孫亦皆進祿位紆金紫此又殊常之恩也大保
公禮卑封樹悲深歲月令慶延身後仰雨露而無涯德發生前
比金石而不朽永言淑懿實在昭宣無窮之聞光乎刊刻銘曰
北州望崇左輔源同代無達疑德慶延我公仁能濟衆信必由
裏邑疑裏支持凜凜清風知周才美君子不器掾州佐藩戎秩

軍使砥開直道筆遣留事騾驥長途可遣百轡四郡循良政一人康道之軌度終然允臧於惟聖善輔訓義方怙何恃痛極悲長少陵原上盡為幽宅何代丘壠誰家松柏司徒所天太保追策衰榮超冠千秋聖澤行由已全名自人傳勒茲銘記表于墓田繼代者來知先得行路者過想遺賢記實昭懿俾奮億年

文苑英華卷第九百二十二

登仕郎胡柯

鄉貢進士彭

叔夏

校正

文苑英華卷第九百二十三

碑八十神道四十一

職官三十一刺史五

安州刺史杜鵬舉碑一首

泗州刺史李孟犇碑一首

晉州刺史高武光碑一首

安州刺史杜公神道碑

楊炎

受正性者德之元纂重厚者業之盛君子體仁以合德積厚以感通著于神明光于祚徹者其惟杜公乎公諱鵬舉字其其光京兆人也七代祖諱模後魏為濮陽守衛人宜之子孫世居東郡故今為濮陽人夏有豢龍之官周封唐杜之國世載侯伯勳藏晉魯周公錫命玄其火龍極三代之衰參五霸之業斯保姓之始也漢有建平侯策定中興晉有當陽侯克并南夏其食鄩

鄔威西郊之黻冕其分荆濮祚東國之山河斯不朽之宗也濮陽生陳留太守諱亮陳留生高祖比齊膠州刺史竟陵公諱伽竟陵生曾祖隋鴈門太守諱保鴈門生大父唐蘇州司馬諱義寬蘇州生皇建平侯荆益二州大都督府長史諱慎行洎貞孝公秉哲以輔先朝今黃門戴天以成大業自魏七代以方岳登聞在唐兩朝以台衡致理斯邁種之仁也公貞孝之兄黃門之考天修其爵地富一作學賦其才神抱虛廓智藏著蔡口目河海儀形嵩華學子可以掌邦教詞可以宣國風少與范陽盧藏用隱於白鹿山以太夫人有疾與清河崔沔同授醫於蘭陵蕭亮聲色之微以誠達疵癘之祥以氣變屬先府君作鎮荆楚有詔門子親侍禁闈起家脩武縣尉歲滿以書判超等授濟源尉以正議登朝拜佑拾遺昇玉堂以謁聖君臣格言以利天下黃門侍郎

張廷珪國之髦碩洛州長史皇甫知常人之標準美公志行嘗與請交公精義入神洞洞究奧蹟初睿宗踐祚冥感祥符觀玄期於化元啓成命於幽數人所以佇非常之運天所以歸億兆之心玄宗時在東宮表公所言請編史冊時應令賦詩御札批云畢公之任諒籍伊人思入風雅靈通神鬼後以親累出為岐州司倉轉同州司士開元初上以中都稍食省河漕之任大農器用賦晉山之鐵牧馬于歸獸之野考室于迎春之宮關中始置疎決鹽鐵長春宮三使詔以公為判官明年天子東行河隄法格獸之塲開濯龍之沼停鑿上苑留晏天泉酒酣樂過公獻賦以諷於是采章之錫遷著作佐郎太子左贊善大夫都水使者邠王府司馬豐王府長史中散大夫安州刺史公為政在上位畏于上貞一以守之齊莊以檢之其始也居右正詞王侯

嚮慕其終也踈通簡易禮教興行方將坐周邵之堂陳歌訓之典法象魏登天庭而明德壽於中年壯圖悲于下國命矣以其年月日終於官舍明年三月葬於壽安之南原遵遺命也夫人河南郡君尉遲鄂國公之孫邛州刺史瓌之女抱含一之德友于君子投降神之祥克生元輔天寶四載終于山陽別業其終柩馬從周禮也長子靈瑗陳州太康主簿緊家祚而命奪其祿次子奉進有異學而天喪其文荀陳同德顏冉齊化季子山南劍南道副元帥特進黃門侍郎同中書門下平章事衛國公鴻漸身負蒼旻氣和鼎飪以符合斯運以道佐唐虞文繫訓謨化齊混象大勲格于皇極厚寵揚于祖考府君先贈太常再蒙師保夫人舊封宜陽贈號某郡三錫桓公之命是尊孟母之賢惟公主忠孝根仁義事親有極致之道執喪有寧妻廢鞭笞愠忘

誚讓其位身也宜觀天理合疑含幽鑿強志通於衆藝敏行求於古人考聲教觀曆象動合靈祇之贊居順陰陽之和其達識也憂喜極中權利交喪歷官十二遠悔吝之形春秋七十抱純精之氣其保終也君子謂探命歷誠也專藥膳孝也補衮職仲山之志也頌王風吉甫之才也濟美藥武之德也有後載孫之慶也宜乎正訓百代垂鴻千古存被先公之冕服歿爲天子之元老勒鍾鼎建廟堂金石以頌聲丘陵以表隧乃假詞未學觀德將來銘曰

於赫太師德音孔遐道之氣象物之精華文學鄒魯羽儀邦家選于帝庭帝庭有儀聞于宮府宮府允釐明晦光耀際含天機識真紫極建旗青浦熊負金印虵蟠朱組時哉功名海變今古精寃歸復宜陽之下我有家嗣爲王寶臣德一作延沒世功被

生人岸谷磅礴丘陵故新蒼蒼頌石萬世遺塵

泗州刺史李君神道碑

夫崇孝悌者必竭力於事親厚忠貞者亦盡心以奉上故聖人廣而教之以勸遐裔至若馬遷續太史之記安國傳夫子之書潘氏家風謝公別傳內足以貽厥後昆外足以錫祉爾類小子不敏仰希前哲竊述類本用表流光君諱孟犇字公悅其先乃太子玄元之系五代祖景皇帝始封于唐高祖諱亮至德初追冊鄭王諡曰孝曾祖諱神通武德初以佐命元勳封淮安郡王開府儀同三司尚書左僕射諡曰靖烈祖諱李義武德初封永安郡王貞觀中改封膠西郡公銀青光祿大夫司農卿上柱國冀具等州刺史烈考諱璩易州司馬朝散大夫上柱國襲膠西郡大至德初追贈平陽太守皆斧藻至德琢磨令範仁經義緯

敦教易俗理化勲庸備詳史諒君純懿靈粹得之自天先府君

貶南州也以正直忤物為邪醜正一有已告終于官舍君夫若

冠號天踴地漿勺不入禮過成人察吏贈贈一無所受扶護艱

儉泣血萬里提攜幼稚盡室獲全以某日月遷榮配廟禮物無

闕由是以純孝聞服闋調補梁州參軍轉右衛錄事參軍相王

府戶曹以清幹稱恩詔特加朝散大夫出宰郟陽倚氏三原德

風洽聞香聲遠茂君之臨倚氏也菜田數十里上蔽荆榛地闢

鳥鹵逋逃夜一作聚豺狼曉嗥公曰穀不足者地有遺利食不

足者人有遺功長其荆棘敦若樹其禾稼聚其材狼敦若利其

貧窶乃尋斧於拱木踈鑿於涑川化草莽為陂塘變磽确為墳

壤人民胥悅工亦子來雖史起決漳鄭國開白亦何加也人荷

其德邑懋其功建頌立碑迄今斯在後中司撫循廉按嘉公丕

績薦為鄧州司馬兼陵門堰稻田使君迺谿白水之口壅樊陽之陂築埆雲屯疊石山積樹建立則截流施局制畜洩之門為水府之權分脉血之經緯為農夫之司命條流百道浸潤七邑疆畦綺錯稼穡龍鱗田疇之歌何獨子產宗司舉以即署擢授禮部員外屬東封扈蹕轉虞部外郎出牧泗州清明簡肅治行第一而地接吳楚氣侯卑濕因之疴癘辭以疾歸開元十九年十一月十九日終于大梁旅館享年五十有五權厝太行山至德初累贈宋鄭二州刺史季子翼自衡鄂轉運使兼漢南租庸從事爰適上國分途啓扈奔就吉辰以大曆元年十一月十四日遷窆於京兆萬年縣之早原先夫人崔氏祔焉禮也今夫人清河人也父諱惟明累遷海沂等州司馬凡鏡邈隱居太行累辟不起弟國輔秀才擢制舉登科歷補闕起居禮部員外郎夫

人冲和備體柔順居中出起仰茂先之箴闔門遵大家之誠自府君捐世庶務親臨存孤撫稚有妨禪寂是以通大乘頓悟門挹沆瀣餌花香而又現舉止之異者有二凡於宴坐口吐舍利香骨頂生如佛螺髻驚聞中外得未曾有翼等以額珠外見意寶內明釋氏前言今為見世遂感地捧戴歸于故園起塔瞻奉莫之測也及天寶末隨子權赴陝郡司馬屬狂賊犯關中原鼎沸權負板輿自弘農藍田值潼關失守朝野震驚扶長携幼潛避山谷重壑固陰深林酷冷因之違裕至於彌留以其年九月二十九日薨於終南山一作所居享年七十有三有子六人長曰權故金州刺史次曰衡故洛州清漳尉次曰樞故檢校虞部員外兼侍御史次曰軫歙州別駕次曰房故渭南令季曰翼陝府長史兼御史中丞陝府都防禦觀察陝虢等使惟軫與翼永號

孤苦松楸斯拱銘碣未彰感奉遺範懼深失墜敬遵典故不慙
以文其詞曰

於赫太祖禪聒我王夢蘭異感剪葉殊祥擇賢建德立社封疆
肇分枝族貽厥其昌淮安忠黨英靈倜儻率衆闕西濟師河上
膠西酷似文武不墜運屬休明化流撫字烈考謫官遭罹艱時
酷吏深文天下共悲君之收疑生知敏識磨礱節行韜晦仁德
鍾罰蠻貊膺填氣塞天之輔護日茂嘉聲參卿發跡語掾馳名
宰邑佐都事明理貞為郎起草後範規程出守泗濱明德惟聲
繼踈躡陸修身知止福量未極整舟旋徙猗那夫人性合天真
心遊至道跡棄喧塵嘉偶君子敬待如賓衣冠之族禮樂之門
詞林翰苑金友玉昆垂芳後葉流慶無垠令聞不朽貞石斯存

御史中丞晉州刺史高公神道碑

盧虔

大曆七年冬十有二月辛酉御史中丞前晉州刺史高公薨嗚
呼天柱折地維缺豈止梁木其壞大山其頽乎中書令汾陽王
聞之衣及于寢門之外至哀不哭仰天久之曰天喪余俾余曷
所依律苟在飲公之化食公之德莫不叩心絕氣行號巷哭其
月乙亥天王使中使來歸我公之賵贈潞州大都督詔曰孤棗
濯冠勁固無馱閑閣留犢盡瘁有終謂公有古人之風故朕公
以古人之節傳曰知臣莫若於君豈虛也哉公諱武光字叔良
其先勃海人也曾祖正初隨左金吾衛中郎將祖翰皇中散泰
夫常州長史皇考莊皇左騎衛將軍代濟忠貞保乂王室累膺
熊羆不二之心佐盛德之後必有達者惟公生焉公則將軍之
嗣子也在厥初生自貽哲命弱而幹父長乃克家耻雕蟲而不
為喜從龍而或躍故能事親克諧於純孝弼主必著其大忠忠

孝並全社稷之衛也以申警之勤首職洛交郡安昌府別將昭忠信也由是公壯日篤勤勞日宣爲國爪牙在帝左右美爾攸績於嘉乃勲累遷至忠武將軍守左青道率泊天寶末會幽燕階禍公密奏辯疑襲履霜之漸叩血泥地上濺御衣雖徒之諫不從而竭忠之誠克見帝嘉乃節拜右羽林將軍知軍事及亂作公待罪闕下曰臣始知之不能糜碎身首啓沃聖聰俾賊臣猖狂藥不瞑眩誰之咎也敢忘其死帝遽錫公雜綵二百段瓶盤副馬子曰言無隱朕甚嘉焉言而不從朕之過也惟今之謀言姑將以爲親其年秋公陷賊境爲賊所得賊議焚太廟與清渠之役中使孫知古遇賊弱馬擐鼓之事公節由義感忠以勇成危言勃如賊爾咸若是歲國廟不焚中使復命公之力也其有金族淫夷南冠繫係咸賴迂緒亦永其命者可勝言哉其時

賊議公本我唐之蓋臣也不可以握兵之要恐通內外之言賊遂黜公出典故絳絳人間公之至也公來其蘇公之牧絳也我躬則閱雖外困賊命而內緩我人億兆協心和藥且孺卒使苞茅之功日臻乎行在及王師大來公志克遂墜城歸命乃享無疆之休易曰女子貞不字十年乃字其是之謂乎入朝肅宗詔復立羽林是歲年穀不登長安餓死相屬公颺言于上請出禁衛之米以救餓者上多之仍俾公司出納之懷翌日餓隸復蘇人賴家給時謂之公致君邁於堯舜不然何博施之道廣耶越月除奉先是邑也有不腆之賊戶人連其邑三千公戾止未幾戶人復歸如初屬虞難未已時奴刺拔我鳳州皇上類能俾公康又公於是乎始有部符之寄公之始至克黜戎難靖安西入疑作踰月致成封內大理俾其禍疑之蓋及身干仁壽之域矣

其年秋有詔遷梁州刺史充山南西道觀察初商人吏那延西人之子也楸遷負來遇疾而卒遂殫所得之資備送終之禮明日死徒數百人咸造公庭曰今有以見死者之幸我如此不如此無其餘字人之恤飲水之潔不書也可知也君子曰高公荷天之百祿永終無斁由是汾陽王美公之政無度寶應初以今上之命命公救渥于絳加銀青光祿大夫絳人喜公其來如見父母戎首師乾光皇甫大冲率徒數千居郡之南山食人馬牛奪人妻妾渴日為惡不彌虔劉洎公之下車旬時克浸人風率復淳化封域之內密如也雖晉用隨會羣盜出奔舜舉咎繇不仁者遠曷以為比俄而汾晉阻兵關東漸弊脇權相滅鮮克胥匡以分獨同大節杖大順初誘之以高位不從又逼以白刃不從身幾見危節終不奪可謂風雨如晦雞鳴不已上徐聞其忠

壯也加特進守左金吾衛大將軍又轉開府儀同三司試大常

卿封渤海縣開國公食邑一千五百戶加一疑朝散大夫聞疑

歲遇汾陽王論晉倒懸之急若涉水之不濟由是上將公為舟

楫克濟其難公自是以利往為晉康侯加御史中丞夫晉陶唐

之舊也介二大都之間達四康衢之要賊臣之所讎斂王師之

所蹂踐室盡間爾田其荒兮其有彼稷之苗美哉之與則為武

臣所有其秋興履畝之役行比屋之稅無弱博獨不畏強禦晉

人沐公之會如慶雲也一年遭逃復二年田疇闕三年之外中

和之詠甘棠之頌洋洋乎盈耳哉三年秋汾陽王復以公之勤

績克聞于上上俾公以伊河府浹辰之內揚然有聲晉人思公

遺愛銘頌貞石經始有典不日成之觀而思仁墮淚于下汾陽

王間疑之復聞于上上詔公再造其晉加樂安郡開國公公

疑作

之至也大老至鼓腹而歌羣黎投杖而拜武人惣戈以馳突樂
正交鼓而和羅公既喜迂如雲人亦沐公如雨風生草偃政簡
人和陶然惣遂其性矣明年冬汾陽王以秦隴不關籍公以籌
其策公罷侯于晉克揚西土之烈無河遼厲害疾遂歸休于宣
平私第病日臻既彌留銀青光祿大夫兼絳州駕趙公魚公之
愛壻也素知其為人名節清峻器宇冲邈臨終之日託以後事
而誓言于公曰嗚呼余不矢余之性也克艱難昔往蹇之際不
克抗臣節以死王事繫老母之故賴皇鑒之明以汾陽王靈不
汝疵瑕獲保首領以免今死喪荐至逃遁無所汾陽王生成之
恩不得而答夫人罔極之德何階而報天乎天乎誰察余之心
乎言終飲恨而歿享年六十有五夫人隴西李氏柔克宜家坤
儀訓內享年不永先公而逝大曆八年正月五日詔贈郡夫人
夫人以其月乙酉合祔于萬年縣鳳棲北原禮也公六典大郡
三掌禁兵清儉以立身貞國而獲歿謂誰高氏無君子斯焉取
斯太夫人隴西李氏回已斷之傷就終焉之禮夫人天水趙氏
誓同穴之志為未亡之人嗣子長曰昇次曰昱咸在童叢集蓼
茹荼哭不絕聲盡而繼之以血也虔忝吏未曾工為文受命于
愛婿趙公俾光昭公之令德述聽遺愛搦札而書不覺涕之沾
若跪而銘曰

天贊皇明而公克生欽若王事有終于成乾乾惕厲譽譽忠貞
三主禁兵六牧專城於穆惟清疑洋洋頌聲九有作程惟皇之
禎胡不終吉今天降疾禍昇福黜幽啓明室佳城鬱鬱備物秩
送終于畢不思其出壠月宵弔郊雲曙密吁嗟高公千秋此室

文苑英華卷第九百二十三

登仕郎胡 柯 鄉貢進士彭 叔夏 校正

文苑英華卷第九百二十四

碑八十一 神道四十二

職官三十二 刺史六

黔州刺史薛舒碑一首

常州刺史獨孤及碑一首

房州刺史杜元徽碑一首

温州刺史裴希先碑一首

黔州刺史薛舒神道碑

常建

名位所以寵賢爵祿所以馭貴德威者慶遠源深者流長垂裕後昆啓迪煎烈今見其人矣薛氏之先矣仲爲夏車正仲虺爲湯左相與滕爭長薛實先封佐漢登台因而胙土河東冠族代不乏賢五代祖道衡隋吏部侍郎內史侍郎隋文帝創造霸圖發揮綸翰變當時之文體高祖收皇朝行臺金部郎中天策府學士我太宗之經綸王業專掌詔檄擅經國之詞宗凡所事業著於史傳曾祖元超皇朝戶部尚書中書令汾陽縣開國男丹

青景化金玉王度訐謨載於盟府故事留於臺閣祖毅皇朝鄜州洛交縣令大子舍人父儒童皇朝京兆府體泉縣丞贈梁州都督潛德養蒙晦明藏用位不充量道屈安俾武子之德在人太丘之道益茂府君諱舒字中和體泉府君之長子也元和誕靈純粹時秀覃訐有異敏惠夙成聞詩禮之義方深仁明之正性讀書知王霸大體覽史慕名臣高節脫略細務經濟遠圖銓衡賞擢年十九授華州司士參軍從累士也轉相州司法參軍又遷岐州司功叅軍鄴郡舊都扶風左輔掾曹之選必先才地以儒學飾吏以明察蒞官莖仕之初有令名再命而偃不忘猶牆之恭三語故稱則聞趨府之譽堆案之下折滯無虞天寶初寒宇昇平典刑倫叙旁求端士以授法官拜大理寺丞敬爾繇獄有郡吏抵犯議合惟輕台臣作威俾令從重伏念累日至於

旬時苟有動搖必將頽頽彰書厥狀實曰非辜初秉直而不移

終忤權而獲罪貶青州司戶叅軍君子曰守法不回正也移官

無愠達也道不可屈身何傷無何授金州司馬遷夷州刺史舉

淹滯擇廉平也至德初遷渝州刺史西通楚疑作楚道北控漢中

山鎮縉雲硤通明月歌來暮於巴俗願借留於梁境昇課最矣

君理行第一所居必聞冉季膺政事之科冀黃獲循良之首累

遷巫溪二刺史兼少府監殿中侍御史溪洞雜類蠻夷徼外綏

有素福小有底寧言語之所不通撫柔之化風靡寶應初皇上

以四郊多壘五谿未安乃拜黔州刺史黔中經略招討觀察處

置監鐵選補等大理卿兼御史中丞黔中者貢荆州之域秦開

武陵郡其啓土也大其貨殖也殷有廩君之士舟擅寡婦之舟

允惠化所感無思不服昆朋夷者西南絕域開池習戰漢所未

通遠聞德政翻然納疑琛賚尤物來獻於重譯紫泥寶書屢榮於手詔尋加金紫光祿大夫御史大夫河東郡開國伯賞茂勲也十郡士氣百城異俗輕剽盜竊宄矯虔示之以威信興之以禮讓華風變於夷裔膏雨決於殊壤方將作鎮藩翰永爲長城天不憖遺人將安仰以大曆十年四月二十五日薨於溪州之公館春秋六十有八勤王事也魏闕將朝未展韓侯之勤荆州罷市深懷叔子之仁百蠻感動三軍雨泣惟君孝悌之性始於閨門忠義之成聞於邦國少有大量幼而考成結綬勤王敬恭朝夕精識可以應務明斷可以折疑每推是心以接於物魏其廡下金盞散人泥毓室中衣無常主而雅好文酒醉猶溫克陶然忘機傲然自得儻來軒冕曾不在懷此則山簡不踈曠莊周之造道貴而不矯謙遜每推於寮友寬而能恕喜愠不見於

家人信大雅之保身中庸之蹈道况乎負才器以身許國剖部符簡易之風政行於南國者二紀領藩鎮者十年凡所條奏上簡聖心汝實專征嘗受元戎之鉞我惟共理兼榮副相之印充國之功宣右地伏波之式是南邦遺愛去思古今一揆君外祖故中書令逍遙公常嗣立先朝碩德叔父故陳留郡太守河南採訪使江童當代名賢季弟前吏部侍郎今宣州刺史宣歙等州觀察使邕朝之俊茂既疑隋朝至今掌綸翰者四葉天寶之後膺方面者三人中外相門并代文學闕閱之大莫之與京夫人京兆韋氏故工部尚書東都留守虛心之次女琬疑作淑之德早映圖史柔明之姿動成師範方保榮於韓樂奄追悼於潘詩以永泰二年三月殂逝巫州官舍追贈扶風郡夫人從夫貴也長子前卿貢明經安親次子左金吾衛兵曹安國早承訓導

皆成器業才行之美孝友彰聞有志不時相次淪夭第三子永
王府參軍安都髻稚之歲執親之喪致毀而終人踰疑所痛卜
云其吉列兆先塋不忘孝也弟二女故梓州射洪縣令社滔妻
至孝純潔提攜孤幼江山險阻扶護言歸誠孝所通龜筮協吉
喪事不敢不勉備物必誠必信聖恩震悼贈禮部尚書賻物三
百延仍令中使監護平際儀伏禮優常等飾終之典迴日月於
佳城詔葬之儀霽雨露於泉隧以大曆十一年七月二十日合
祔於萬年縣栖鳳原禮也季子太常寺奉禮郎遵誠協律郎遵
誨大祝一作常非遵訓等七人童壯而孤孺慕罔極松楸已拱地通
先君棣萼前彫塋連愛子封之若斧尚行夫子之規坎不及泉
自合延陵之禮余忝內弟早荷周旋傳盛德而備詳叙高行而
無愧詞曰汾水源長條山連岡鼎氣發祥大族其昌車正仕夏

鈞衡佐湯贛君法令內史文章德厚慶遠才優道彰中書政本
綸閣傳芳時稱茂緒代濟業社學小申韓藝通墳史邦有良翰
朝推端士析滯列曹申寬大理三黜無愠九遷茲始州縣躉勞
雲霄則邁西南重鎮實倚長城夷落鳳變蠻陬化行駐車決遣
攬轡澄清赤舄命服朱輪錯衡霜飛憲簡霧濕戎一作絕域輸一作
欸殊方獻誠牙璋既備介圭方觀仁則宜壽天胡不然迺遭江
山悲涼旅襯震悼宸宸哀傷藩鎮詔使護喪同盟執引哀哀孝
女榮弱徹銘德叙功庶乎傳信

常州刺史獨孤及神碑

崔祐甫

附見獨孤及集

昔劉向稱賈誼言三代與秦亂之意其論甚美達於國體雖古
之伊管文釋作未能遠過又稱董仲舒有王佐之才雖伊呂亡以
加管晏之屬殆不及也鳥文釋作戲二君以偉才當盛漢之崇而

位止於下國二千石祐甫聞於先君僕射曰主恩非臣下之所
圖天命豈生人之所制有唐碩量深識之士曰獨孤常州諱及
字至之河南洛陽人皇朝左千牛備身元慶之曾孫蔡州長史
思曠之孫殿中侍御史贈祕書建通理之弟四子仕而遭時鵠
立於朝建旗東夏三著嘉績嗚呼痛乎奄忽捐館其時也大曆
十二年夏四月二十九日其地也常州之路寢其壽也五十三
年中朝名公素見知者後進之士聞義嚮風者泊濠舒常三州
之百姓莫不堪集作填膺流背不寔不相浹辰彌月厚而惜之者
徃徃失聲出涕施若公有子朗郁等年未亂厥兄檢校水部員
外郎兼侍御史汜方佐瀾河集作此字東帥聞喪來奔半旬而至惋
毒之甚情二本作如不欲生既受吏人賓客之弔乃忍死集作哀謀事
六月六日引使君之柩去常州歸洛陽其年歲次丁巳十月朔

七日葬我使君于河南府壽安縣其原先祕監之塋以夫人博

陵縣君崔氏祔焉禮也水部曰天之降災害二字集于我家仲

叔季盡矣吾將老矣吾弟尚州之子未立今不刻石表墓則常

州之令名何以傳於後乃託我故人叙而名之常州稟先和以

生幼有成人之量祕監府君親授以孝經常州一覽成誦祕監

問曰汝志於何句對曰立身行道揚名於後世是所尚三字文

也自是徧覽五經觀其大義不爲章句學其童丁祕監憂勺飲

不入口者累曰先夫人同郡長孫氏論以不可滅惟之義由是

微進饘粥枝而後起免喪加於人一等卿族稱其孝焉長孫夫

人高行明識訓導甚至常州漸教成器卓然有立著延陵論君

子謂其評議之精左右古人右天寶末以洞曉玄經對策上弟超

拜華陰縣尉著古函谷關仙掌二銘格高理精當代詞人無不

畏服俄屬中原兵亂避地于越丁太夫人憂毀瘠過禮既外除
江淮都統使戶部尚書李峒奏爲掌書記授左金吾衛兵書叅
軍軍旅之事非其所好未幾返初服今上即位下詔收後茂舉
滯淹政之大者以分爲左拾遺凡所諫諍直而不訐婉而不撓
削藁詭詞文粹作屬不傳于外遷太常博士詩新平太長公主
之子裴防尚永清公主初以太子少傅裴遵慶爲婚主將行五
禮公實相馬中使口宣詔旨易之大長主後夫妻慶初常州曰
婚姻之禮王化之階以異姓之人主之不可甚矣某不奉詔中
書令汾陽王時爲五禮使從焉又百官薨卒定謚之際綜覈名
實皆居其當與嚴河南郢訓答呂荊州譴謚議博而正當詩諱
之遷尚書禮部員外郎受詔考第吏部選人詞翰旌別淑慝朝
野稱正上方大卹黎庶精選牧守以公爲濠州刺史平其徭賦

恤其冤弱課績聞上加朝散大夫遷舒州刺史野

集有境瀕江

傍山羣盜所聚或蟠結林藪或趨起城寺公惠以柔之武以警
之釋矛服來尽爲良俗其他如在濠之政居一年璽書勞問就
加尚書司封郎中錫以金章紫綬屬江南旱歉比境之人流庸
甚衆公忠集作心以撫舒獨完安天子聞而休之擢拜常州刺

史常州當全吳之中據名城沃土兵興之後中華剪覆吳中州

府此焉稱大故朝之選牧恒屬意焉公宣中和平易之教務振

人毓德之體百姓蒙化遷善不知所以安而安吏不忍欺路不

拾遺餘糧棲畝膏露降之

集作

公平生聞人之善必榆揚之氣

尽與之不啻若身得之後進有才而業未就者教誨誘掖之唯

日不足公之文章大抵以立憲誠世褒賢遏惡爲用故論議最

長其或列于碑

文粹

頌流于詠歌峻如崇華威如江河清如秋

風過物邈不可逮公有集二十卷行於代若夫贊堯舜禹湯之命為誥為典為萬為訓人皆許之而不吾試論道之位集作宜

而不陟前是公之仲兄季弟伯姊三年之間繼歿執天倫之喪如荼如蓼竟以無祿天何不仁然則買與董名位不盡其才吾

先君之歎主恩天命斯見矣其銘曰

常州之德二本無此字孝行為大烝烝翼翼以敬以愛友于兄弟如

棒如戴常州之義篤于朋二本無此字友用之有恒行之可久集作

日如一恒之日可久扶危極溺爾身我手常州之才施于有二本無此字政撫

柔三部謙以二本無此字為柄龔遂國僑千古迭映常州之文究其

元二本無此字本質取其身文粹正艷從其指在星之緯在衣之交常

州之年止于二本無此字中深去昭昭之盛世與萬鬼而為鄰白馬

江上青鳥洛濱鶴鶴在原嗟爾元昆縷經二本無此字露血長號訴

冤慕述遺美謂余不諉我見二本無此字之子將二十年相投藥石胡

赤不痊譬我於池子為之泉譬我於桐子為之絃榮不獨遂難

不知全如何叔明摧護碎監瘵衣楚挽徘徊墓田望之不見赴

之無緣理首班如女手拳拳如天如天泣涕連連二本無此字

如天如天如泣涕連連

房州刺史杜府君神道碑 劉太真

茂天爵者薄人秩韜真幾者疵世道是有草萊纓組塵埃聲利

位始階而身退名始從而跡遠者見之於府君矣府君杜氏諱

元徽字金剛京兆人也宗啓周封業光魯史層源演派疊萼舒

英以地則因人斯大以世則令郡望族至若驟諫與王飛謀戰

國垂康漢之績著平吳之功咸寵冠往賢鬱華前載斯粗舉而

未能也曾祖良杞府君銀青光祿大夫國子祭酒贈左僕射祖

士倫府軍太中大夫左衛大將軍考玄隱府君游繫將軍商州
栒水府折衝上柱國或導揚儒風或宣肆武烈方傳學省勲在
戎府俾昌而裕毓我令人府君貞亮居體中和成性孝慈根於
素風明敏彰於羈貫唯導素是味唯還丹是慕浮碧落而雲高
立秋江而鶴遠既而宗族喻良弓之業親朋示博帶之義事感
于中勉而筮仕解中署陪戎校左金吾翊府尋授左監門衛長
史晁錯才識始從掌固楊雄詞賦仍聞執戟滯脩鱗於汙瀆棲
逸翮於榆枌摩重霄躍洪瀾將有日矣然而雅好翰墨尤工孤
矢援毫露垂舍授星落循倒薤以偕極掩穿揚而稱妙造次於
是專精無怠况素以飾治於是隳身徇物則儒墨兩亡也匪江
胡而闕非仁義不修則朝野一致也是用齊榮賤混淹速歲星
逾所名秩乃徒人不堪其望我則莫之屑其練性存神遠希彭

羨猶初志也府君之從父昆弟有懸王官宿債者簡書煙交司
空星至悉責薄產大將不給且家人數數泉壤貽懼府君憂攢
于貌事甚在已遂鬻所居之業而代償焉卜遷于西郊之別墅
又有至自西州者官遊既久田屋斯變陶園蕪松菊已荒江宅
與桑田俱盡府君復推別墅以居之其仁愛之厚多此類也屬
虜起幽都兵交中原二京弛禁六龍偏幸府君心壯血憤志圖
家國乃激勸親族糾率子弟弦本礪金有車一乘督責遣之曰
吾聞救時者無儉易赴難者無遠邇况文武繼代食君之祿者
乎吾夙有林棲之契又齒髮將暮不有處者誰保家屬汝曹行
乎吾欲兼濟遂提老樞幼集于終南時勲武爭搏齊人大擾戟
血殷野傷魄嘯林丁壯濟師婦姑行餉府君深居事外適與靜
合耳絕顰角目無絳刃天下鼎沸雲卧恬然伊昔漢臣擇日而

不去秦客緣源以志返屯往秦還我無凝滯由是故放蕩形役
倘佯家林州閭歸仁疆理息訟儒書仙錄開卷自得鶴侶鴻儔
風期相許實清真上人也以軋元二年夏四月十八日遭疾終
于長安君德里私第春秋六十有四夫人激海郡太夫人高氏
婉懿淑茂柔貞惠和含真樂道合府君之志以貞元四年秋九
月庚午合葬于咸陽之洪瀆原禮也長子前河北招討都統領
兵馬使銀青光祿大夫檢校太子詹事兼御史中丞上柱國建
安郡王食實封一百五十戶李玘宣茂績於邦家施湛恩於祖
考中誠好謀深毅能斷當禁衛之心膺愬兵符於掌握皇威揚
於外臣節固於中勲庸大來爵位斯集朝廷以府君重以作裕
道至貽謀慶深下詔褒寵用光幽宥贈房州刺史次子冠軍大
將軍兼試大常少卿李璘深隲兵謀妙通劍術致身環列亦著

殊名惟怕與仲孝心罔極莫不切追遠之情循聿脩之旨爰託
圖篆式昭令德其詞曰

休祉錫羨元淳毓靈是曰哲人惟道之英風質簡遠音詞淑清
優遊不秩想象高冥謀能圖國射足觀德藥竈霜玄書池水墨
義自情感仁非教植鬻業推居宗親翼翼當夷亂華高蹈雲崖
子弟從師策勲王家艱難既平吐納元和玉貌雖全一作促齡
如何詵詵令嗣忠武濟世位崇銀章權愬羽衛是降褒贈載光
幽竈攢疑詞揚休昭示來裔

故朝議郎使持節温州諸軍事守温州刺史克
靜海軍使賜緋魚袋河東裴府君神道碑權德輿

春秋時賢卿大夫皆叙其代功舊德章明似續集作續蓋黃流玉
瓚之寶產於深山清廟夏屋之林秀於中林其或為珩為珮為

鄧爲稅無非禮神用備崇構洪河之東裴氏在焉自魏晉迄今忠賢輩出土林以爲領袖史臣疲於簡策而又弁代降休且公且侯上嬪王姬出領方州者可得而言以刻金石曰君諱希先字某四代祖懷節皇給事中工部侍郎荆揚工州集無大都督府長史洛州刺史謚曰定曾祖昭歷司門度支二郎中衛尉太府二寺卿祖確歷左右衛左右今吾衛四大將軍太府卿太子詹事平陽郡開國公謚曰貞自定公至貞公皆銀青光祿大夫以至烈考怱仕至鄜集作鹿非州刺史太子僕贈絳州刺史凡四代貴仕左曹二千石四衛九列副冬官尹東朝集作明非禮及易名思滌追遠代修其業鍾美於君君寬裕博厚恭儉在誠資性端直詞氣閑雅於經書泛爲疏達而不窮章句於吏道通於理術而不求聞問自解巾至於捐館凡歷十一官無疵政無違得祇守家

法奉以周旋仕於宮朝始爲僕寺進洗馬中允再爲家令仕於國王歷濟陳蜀三府初爲騎曹掾次爲長史次爲傳其初又爲壽安丞後牧臨邛乃遷永嘉班宣六條撫柔二郡惠和所被夷越嚮方其在朝也以晁錯之智王陽之道而滯於散地恬於义次其剖符也仁慈愛利而必易集作不苟簡奉法循理亦不細苛居三年以疾受代貞元六年冬十一月没于鍾陵集作林非之私弟享年若干明年八月返葬于長安少陵厚之舊塋以夫人永年郡主樹焉禮也惟郡主玄宗之孫今皇帝之從祖姑也儲是慶靈生而洵叔窈窕德象婉婉聽從備柔嘉之行成肅雍之道初天寶十三年詔選資地才令以府君有安仁武子之美而不嫁焉齊莊以主中饋和藥以宜姻族作配君子禮同家人嚴祭祀服瀚濯者三十六年而莫春秋五十八歲貞元五年也鍾陵之守

臣以聞上不視朝率礼有加嗚呼以公之率履永年之仁叔宜其繁祉壽考子孫繩繩而生不極其道歿無主其後此伯道之痛頌人之詩所由作也遺命以兄之子某為嗣乃列其祖代官伐請刻豐碑辭之不獲乃繫辭曰

河東右族蕃衍紹緒代功世祿昌而熾兮乃生永嘉剖符承家實而不華論於義兮二邦靜謐禮之善物朱轡赤第亦為貴兮有齋永年作儷仁賢佩玉鏘然四德備兮天漢之尊平王之孫爛其盈門恭祀事兮返彼玄壤少陵之上終古悽愴金石識兮

文苑英華卷第九百二十四

登仕郎胡柯 鄉貢進士彭叔夏 校正

文苑英華卷第九百二十五

碑八十二神道四十三

職官三十三長史一

周隴右總管長史贈太子少保豆盧永恩碑一首

唐同州長史宇文珽碑一首

唐齊州長史裴府君碑一首

周隴右總管長史贈太子少保

本傳及碑中 止云贈少保 豆

盧公神道碑

瘦信

君諱永恩字某昌黎徒何人本姓慕容燕文明帝毓之後也朝鮮微子之封孤竹伯夷之國漢有四城秦為一候其先保姓受氏初在柳城之功開國成家始靜遼陽之亂自天市星妖連津兵覆尚書府君改姓豆盧筮仕於魏祖代左右將軍魏文皇帝直寢父長少以雄略知名不幸早世周朝以公兄弟佐命義存

追遠保定二年有詔贈柱國大將軍涪陵郡公是知春雨潤木
 自葉流根西伯行而疑推存及歿公以山岳精靈星辰秀異氣
 侔鍾鼎聲威風雲觀於秦兵尚稱童子對於楚戰猶在青衿太
 祖文皇帝乘時撥亂奄有霸業潁川一作昌從我舊愛無望春陵
 故人相知唯有普秦二年關西建義授殄冠將軍奉迎太駕賜
 封新興縣伯邑五伯戶開親安之郡遷移楊僕之關解弘農之
 圍更入劉昆之郡援摶併轡並預前驅大統三年有沙苑之戰
 四年河橋之役介冑蟻虱戎馬之郊公應一作靈變愈長風颭更
 勇隱若敵國強人意授龍驤將軍中散大夫八年授其寢右親
 信都督轉大都督加通直散騎常侍十六年授使持節車騎大
 將軍儀同三司魏元年授驃騎大將軍開府儀同三司鄧鷹以
 漢朝親戚始授中台黃權以魏國功臣初登上將公頻煩寵授

朝野為榮三周書二年都督成州諸軍事成州刺史尋加侍中外

愬連帥振威百城內參常伯榮高八舍于時隴坻黠羌時穿上

谷榆中羣賊或聚漢陽公卷甲星馳長驅千騎迴洛兌徒望風

草靡瓜州豪傑束手歸軍魏後元年改封龍支乃抱罕郡也縣

侯三年朝廷使大將安政公隨突厥一有天字吐蕃一作谷渾歸國

河鄯二州屬當路首公領騎八千以為戎防南通丹粟西望白

蘭關塞無虞公之勲也周元年授都督鄯州諸軍事鄯州刺史

其年改封沃野縣公增邑千戶二年授隴右愬管府長史武成

元年都督利沙文三州諸軍事利州刺史領五千兵破文州楊

陳蠻仍平瀘水以保定元年遣一有字將軍破邑州恒棧獠度瀘五

月葛亮有深入之兵長坂九迴王尊有忠臣之路霜電不驚水

草無天天幸將軍斯之謂矣其年授司會八法斯掌九賦是均

事物愬歲成功叅日要二年還授隴右愬管府長史公屢弼英蕃
頻相大府北海入朝仰以對問東平謁帝因而定禮遂使馬首

懷熱不無樂毅蕃臣擬漢或多因疑作田叔兄楚國公以叅和挹

讓在贊樂推建國開都奄荒南服求以先封武陽郡三千戶益

公沃野之封朝廷以兄弟相讓不無前史推恩分邑有詔許焉

增邑并前合四千七周書作五百戶既而六氣相犯五聲相觸靈壽

不終遊塊且變薨於官舍春秋五十八周書作四十八詔贈少保幽冀

定相等五州諸軍事幽州刺史謚曰敬公禮也天和元一作六年

二月六日葬於咸陽洪濟川大夫墓樹以栢諸侯墳高於雉鳴

呼哀哉公資忠履孝蘊義懷仁直幹百尋澄波千頃留心職事

愛玩圖籍官曹案牘未嘗煩委一作擁戎馬交馳不妨餘裕兄弟

公侯國朝親戚宜春有湯沐之威濯龍無流水之機渭南千畝

之竹尚懼盈滿咸一作池陽二頃之田常思止足立身則十世可

宥遺子則一經而已刺史賈逵之碑旣生金粟將軍衛青之墓

方留石麟乃為銘云

朝鮮建國孤竹為君地稱高柳山名密雲遼陽趙裂武遂秦分

寶珪世胄雕戈舊勲名稱賓實言謂身文挺此含璋降茲收嶷

有犯無隱王道正直唯愛唯敬承顏悅色枕籍禮園留連學植

左傳作殖策叅淮帳功披荆棘韓陣揮戈齊城憑軾豹策乃建龍韜

同啓校戰岐陽申威隴坻城壘畫地山林聚米上馬諭書臨戎

習禮賈復開營庶公屈禮從容傳會占對造請用此庶平終茲

寬猛綠林兵息潢池盜靜名振赤山威高青嶺去獸浮河飛螟

出境災氣式隴毒水侵涇朝傾地鎮夜洛台星石壇承祀豐碑

頌靈渭城前栢昌陵下亭須知地市為讀山銘

頌靈渭城前栢昌陵下亭須知地市為讀山銘

唐同州長史宇文公神道碑

楊炯

諸侯計功其銘曰仲山甫誠集作于百辟大夫稱伐其銘曰正

考甫恭于集作於三命所以揚其先祖所以示其子孫上古之初

刊於禮樂之言中年以降述於宗廟之祖集作碑文質既殊條流

遂廣山河永配金石長存或旌原氏之阡或表滕公之墓觀百

林之字者孝廉之舊業於是乎不愆不忘讀黃鳥之詞者文範

之餘風於是乎可久可大公諱珽字叔岷河南洛陽人也宇文

歸之遠派宇文翰之餘秩龍火集作晝夜於鍾山鵬雲南北於

溟海自中州圯圻上國崩離魏氏楊集作其寶圖齊人弄其神

器則天有成命周維舊邦文王以業重三分昭事上帝武王以

功成八百陰隲下人車書混一於域中子弟星羅於海內方於

劉澤乃集作天漢之懿親足以曹洪即當途之道屬及其集無

隋室遷鼎皇運握符固亦壇社仍存山河不替曾祖顛和後魏

將集作軍本傳作冠朱衣直閣東夏州刺史車騎大將軍散騎

常侍長廣郡本傳公周贈使持節開府儀同三司延丹緩三州

諸軍事延州刺史周書有傳對揚天命保乂王家霍去病初封

冠軍周亞夫始為車騎剖符之重任在於六條建國之榮禮高

於五等祖神舉使持節驃騎將軍開府儀同三司京兆尹柱國

大將軍并潞肆隋地理志石四州十二鎮諸軍并州總管東平

郡公贈少保周書有博林優輔弼業贊雲雷晉則羊祐儀同楚

則若集作共集作教柱國王章之拜京兆天子聞其直言郭伋之泣并

州諸童符其恩信考誼隋文皇帝挽郎皇朝益州青城瀛州清

苑二縣令鈞深致遠直道正詞不汲汲於富貴每軋軋於日夕

廣都蔣公琰非無社稷之能大丘陳仲公自有閨門之德公慶

成孤失氣襲芝蘭劍則赤山之精照牽牛於北列集作鼎則黃

雲之寶入天駟於東方資大孝而立身蘊中和以集作成詞叅

變化稽百代之闕文學富圖書閱三冬之舊史司徒袁粲許之

以栝栢豫章慶士稱衡目之以倚桐梓漆初任國子生擢弟授

道王府叅軍兼鄆州叅軍事橫經太學射策王庭高陽才子宣

慈惠和之譽武功新邑濟洛河頴之間兼攝務殷叅卿位重王

徽之任達國士升車劉簡之博聞中郎寓直秩滿授遂州司戶

叅軍事夫開井絡地洩江源財集作雄翕習於外區棟宇相望

於近甸尹子集作為政知陸績於賊人黃讜臨官識包咸於教

子尋遷絳州翼城令大梁星野少澤封圻城故絳以深其宮都

新田以沉其惡實惟繁劇載佇循良魯國有司無擅徵之事南

陽郡吏罷林沐之娛州府伏聞卿亭頌德亦猶禮讓之化綿竹

於是乎作歌風俗之移浚儀於是乎刊石稍遷符璽即尋奉勅

檢校鴻臚丞本官如故環濟要略掌天子之符璽劉熙釋名表

京師之心腹是分麾節式瓚王侯國信不差郊迎有序遷尚書

職方員外郎夏書禹貢辨其川澤周禮職方明其物土清晨伏

奏幾承題柱之恩閑夜滌齊唯有張燈之宿詔除朝散大夫晉

州司馬尋遷長史平陽舊縣姑射靈山玉印仍存瑤城未改習

鑿齒之逢宣武三命而踐侍中管公明之謁冀州四見而登別

駕詔遷同州長史河西輻湊渭北膏腴秦地之下邦漢京之左

輔是君之何以為政端右宜其得人江統知賢直言則陳留阮

宣子唐彬集作薦善通理則汝南黃叔度王祥糾合屈公輔之

究林荀羨逸群杜冲天之勁翮享年六十有五以永淳元年六

月二十一日終於華州之別業嗚呼哀哉公元亨利貞文行忠

信禮樂之君子儒林之丈人當在顏冉中求自是風塵外物友
于之義伯淮與季江同寢朋從之道鮑叔與管仲推財優游大
學之中籍甚平臺之下輜車就烈疑化洽於二一作同油軼當
官政成於半刺道尊德貴而大位不躋有志無時而天年不永
即以其年十月遷窆於鄆縣安樂鄉之西原嗣子某官等詩礼
預聞箕裘早學生則盡其養劉殷積粟於七年歿則致其哀唐
頌絕漿於九日占白鶴相青烏鄭伯所封有咸林之菜地晉侯
所賂有河外之城邑其川渭水而玉璜其鎮華山而金石沓習
集作旗旒紛紜集作野田范臣卿則素車來哭韓元良集作則
縵麻設位大夫受梁鴻之命終陪列士之墳妻子從田豫之言
竟託神人之墓集作嗚呼哀哉銘曰
國自集作東部承家比平遂荒中縣奄有神京時逢日薄運改

天正二王之後三代之英其惟宗惟祖有典有則大魏將軍隆
周柱國於穆顯考其儀不忒禮樂宣風闔門表德其五才鍾秀
百福與賢蜀都集作曾子漢代顏淵公之廣學其積如山公之
大辨其沉如川其親則邴霍地居周鄭人物會同歌謠鼎威設
官分職天子有命東髮登朝叅卿軍集作正其江漢之流集作
河汾之都禮優懸榻任重前樞集作六璽為貴皇天降符九州
為廣益地開圖其平陽土宇下邳風俗秦晉閭閻山河軌躅緹
油之化海沂之曲始聽雞晨行復驥足其龜長筮短吉往凶來
賔朋永訣徒御相哀華館無家集作玄堂不開青龍水曲白馬
車其漢漢古墓郭門之路槭槭寒桐平陵之東天光少日地氣
多風凡物生而必死唯君令集作始而善集作終其
唐齊州長史裴府君神道碑
李迴秀

蓋聞伊弓之德太丘播其英聲休徵之道琅琊闡其茂績是知
利之所博非待殖林而貴名名之所尊無假列爵而重若乃地
兼崇祿門擅清華邁揚氏之五公冠張侯之七葉森森棟幹聞
謝之生庭落環竒見韋殊之昭乘其於 裴府君具之矣公諱
希博字處實河東聞喜人也 有若顓頊遵昌源於長流有若大
費啓洪基於敷土后子保河汾之邑非子據汧渭之封千乘由
其克昌三宰 疑所以能霸至如司空領袖吏部清通勢壓八王
名高百秩家風祖德亦何代無其人哉曾祖靜慮 世系表作
澄字靜慮後
魏著作郎諫議大夫散其常時金紫光祿大夫汾州刺史謚曰
開儀刑雅淡籍甚當時業茂烝鼎功標彝器祖泥後魏給事中
奉車都尉通直散騎常侍贈輔國將軍隨州刺史道著岩廊譽
光朝右屬詞留於騎省追旌彼 疑作於外臺父之隱 按世系表
希博乃之

爽之子之隱
乃之爽之兄

隋侍御史上儀同三司駕憲二部侍郎扶風河南

二郡贊治皇太僕司農二少卿武安郡太守始州刺史通直散
騎常侍益州長史會稽縣開國男謚曰安望重摺紳榮兼出內
寄隆咨岳任切象河八命尊其交常五等列於蒲穀公承積慶
之繁社稷中和之正性清光初迪照金玉於靈臺雅量甫成鬱
松筠於識宇遠慕先王之道繼通賢之德弘上水以待物仰高
山以立身涯涘莫窺宮墻罕測談諧諷席業優學肆然則幽林
之芳必薦於三閣井里之寶自連於十城解褐授普安郡丞轉
蓬州別駕君山該博屈伏六安之丞仲舉峻清來從豫州之辟
方義比德千載一時除冀州南宮縣令兩河舊殊常之地中冀
爲絕此之野吐俗昌阜政化大行肥親廉問而識賢孔丘及庭
而稱善徒瀛州樂壽縣令瀛壖之境風壤所接人民知方不言

自理稍遷雍州鄠縣令王畿之地帝京是屬子羽捨困於櫟陽
無伯析星於緱氏廉能之化復如在昔拜齊州長史歷下咽喉
華泉襟帶州將欣其四見王化合於萬里公銓藻品第股肱拜
國百姓乂安以一變鄒魯奏課連最已申考功之名奉計京師
遽有永明之拜既留郡邸遣疾彌留上藥難逢莫觸疑作二豎
之害中使罕遇不賭十全之術以永徽元年三月四日終於長
安春秋六十三逮景龍年中續戎帝籙禮穆王姬以公嫡孫異
尚主之故乃下制追贈使持節商州諸軍事商州刺史魏后悅
平叔之才晉皇貪司空之族寵成外館榮被宗樹惟公邁不群
風韻彌劭澄清內湛英華外發辨馮言泉韜光於若訥之旨學
該書圃晦跡於惟之地惣六藝之隅奧括百行之書機質負珪
璋門維軒蓋祖孫流譽聚潁川之德星鄉邑稱高載平與之月

旦威儀棣棣聲望雄雄猶鄧林之徒植若咸池之疏派公之宰
樂壽也既去之後吏人追思美政遠為立碣不其頌謌無聞於
刊勒榆次紀石止事於身後歷職著稱皆比類焉夫人京兆魏
氏贈扶陽郡夫人祖恭故上大將軍隨州刺史逮安公父仁基
故絳州別駕龍州刺史殷伯兆其絳構楚傳開其茂緒朱紱陶
可疑及之揮黃金著經藝之績夫人笄纒式典遵寢門之雅訓
匿與有行叶冝家之縟禮言容孔備圖史聿修董萱是奉蘋藻
無匱加以深悟寂大闡迦維究隨順理開決擇分六姻景行九
族式瞻有婦德焉有母儀焉以乾封二年十一月二日終岐州
司士官弟春秋六十七粵以景龍三年十月二十六日合葬於
咸陽之比原禮也嘉耦是合未窮絳縣之壽同兗終窆遽聞京
兆之阡勅萬年縣令盧齊御監護葬事并給帳幕手力羽儀鼓

吹仍送至墓所贈授制莽疑率禮加於茲日輕車介士威儀方
於昔年有子六人長曰思進位隨州隨縣令贈蒲州長史太僕
卿次曰思約位榮州威遠縣令次曰思禮位宋州穀熟縣令次
曰思政太學生次曰醫王位太子僕少曰思温太學生荀氏八
龍且知慙德東萊千里不足方駕懷仁服義海內所推曳組簪
纓朝中歸美並父從運推未及卜宅風煙銷歇霜露霑嫡孫
巽鴻臚卿駙馬都尉上柱國魏郡開國公行極天經才為世出
門題金榜家振玉簫雕軒綉轂結車於平陽之地青巾紫綬交
錯於沁水之園當年之盛如此永慕之心如彼夫計功稱伐里
藹於舊聞勒銘刊頌義炳乎來裔豈可使栢檟靡述衛鼎無聲
爰訪世親俾叙鴻烈其詞云
惟霍之鎮積玉含章彼汾之水神鼎歆光豈獨靈異亦誕賢良

培風直上簫影高驥家聲祖德州沉岳峙家聲伊何載於國史
祖德伊何冠乎人紀翕習交映芬芳不已公之生也克狀其猶
勝衣志立弱歲名道華如琬琰絕代莫儔郁若蘭蕙亦孔之休
如登之堂月將日就詞高文苑理窮辨囿研味風騷倚撫科籒
一日千里一年三秀筮仕之班應務揚歷為邑累課列郡城績
忘其改永晦茲矯敵令問令望知柔知錫疑作如藏舟易失傳
疑作薪不停未聞九轉俄滄百齡功著口實德範朝經安仁顛
誅子王思銘黑水西流黃山東出季武城寢滕公見日煙隧蒼
茫風林蕭瑟人世雖謝德音可述

文苑英華卷第九百二十五

登仕郎胡柯

鄉貢進士彭

叔夏

校正

文苑英華卷第九百二十六

碑八十三神道四十四

職官三十四長史二司馬

楊州長史王公碑一首

果州長史李公碑一首

桂府長史程府碑一首

梓州司馬楊公碑一首

溜州司馬鄭公碑一首

隴州司馬楊志誠碑一首

楊州大督府長史王公神道碑

蘇題

生甫及申思皇多士必訐謨以亮采惟躬蟹幽贊者不曰才子
若蘊其才居其業奉丹青之下濟辭白日之中辰者不曰命乎
霸城王府君諱某字某爰事英主皇皇我神武金疑期寶臣籍
籍我公輔及揮綸翰秉刀尺宜其尹天下登宰衡雖克揚其休
而不踐厥位何也府君之始魏安僖王弟信陵君之績秦滅魏
謂之家王者遂命氏焉其後世居霸城族著京兆故得魏藩公

子錫胤稱宗是猶齊國大夫因昌保姓况神臯之表裏形勝俊
 城之相承絃冕固以個儻卓犖為龍光武代祖羅西魏尚書令
 贈太尉相州刺史扶風公紀于周史高祖明遠隋雍州大中正
 弘化郡守司金上士銀青光祿大夫書大旂勒大鼎猗那成績
 繁衍重世曾祖壽隋州都七職主簿隋氏淪胥場皇版蕩竟全
 孤竹之操不敗幽蘭之芳祖喜唐世系表作誌皇朝晉州司倉參軍同
 州河西縣丞父慶趙州房子冀州棗強二縣主簿文秀儒雅齟
 光鏟跡惟雌之歎則聞鸞鳳之栖未遠公八歲工詞賦十五讀
 典墳十八歷步代史十九初遊太學二十升甲科三傾五誠一
 日千里諧選部冊天門出九流之先當萬夫之特授亳州城父
 尉且未光也無何棗強府君不祿毀將形骨扶杖於家者三載
 哀不絕聲倚廬於暮者六祀古曾子死事之終今老萊生之極

思捧檄以盡養顧疑 裾而足耻庭闈何適有南山之隱路賢

塾不倦有北海之儒門教子弟學成志立蓋云十數而府君雲
 卧林栖傲然肥道迫於從父之命就以賢人之辟授華州華陰
 縣尉復冊甲科轉京兆府美原縣尉換華原丞廉問之舉屈為
 之佐殊尤之薦用冠於首擢拜左臺監察御史王憲斯執國刑
 不紛一歲遭內艱如在先考之戚禫闋制復舊倖臣左補闕何
 輝圖怙勢作奸頗盈罪惡府君言正色莫避權寵簡墨條奏當
 朝允之遷殿中侍御史無何拜尚書戶部員外郎轉祠部主爵
 考功三郎中邦有教謂之安國有祀謂之事則人祗之政罔弗
 格邦有等謂之爵國有功謂之課則賞罰之旨罔弗齊自非貞
 迺應物敏於成務疇能振景技萃川淳岳立主上旒冕而思一
 以寰宇腹心特重其掖垣故近密委於侍臣緝諧連乎小相拜

給事中轉中書舍人劉暹兕者其議可以斷割賦鵠鷁者其言
可以遠大况天詞往復行於中有人望虛佇期以上台姑誡之
劇備觀周美遷兵部侍郎回翔要津拂拭夷路消長容其忠邪
順其直戎昭者有畢力之師彘序者無曠負之人以東南封圻
淮海殷雜雖陸攝水標填于委輸而風果氣銳懲以剽輕臣鎮
何有繫公則賴乃出爲揚州大都督府長史陽秋信風雨若不
競不練有倫有要化之爲最理念于茲嗚呼景命不融流年孰
返以年月日遺疾終於府之官舍享年六十府庭馳戀閭巷聚
哭攀舟楫以嗷越江關之重複名流常化雅俗追嗟嗚呼以爲
當代所歸禮謝於陳在豈謂逢時共許愛深於產卒夫靈龜明
鏡可以決疑駟馬拱壁不如進道牽於彼則疑已釋存乎我則
道已用府君是以寘毛髮之愆徵膏肓之疾加已博聞好古精

義入神有夫之文章得吾家之書籍焉或寫或繕海富山藏當
工篆體間以琴德不耀穎而好事者珍每成聲而知音者嘗疑
身歿之日所纂集二十卷自彈琴凡數張俾後代美其華旨其
實垂芳塵之菴藹採嘉之洋溢其高致歟粵開元十五年龍集
於卯仲春日辰卜葬於京兆咸陽洪瀆原禮也周之董原漢之
槐里丹碑已刻青積成行子八人長曰宥次曰寔並行齊曾閔
聲軼元季徵昔有八子之名喪有二連之善府君之仲著作佐
郎敬從者李大廟丞擇從者敬也瑚璉之器擇也金玉其相稱
之真披文之實託吾人早遊學序曾比義於青襟晚哭寢門匪
致能於黃絹辭所不獲強爲之名曰
高惟雍考大曰京遷王氏考着霸城或公或侯散珮垂纓子子
孫孫府君挺生其德有必綜才無不括勝情風翔偉量河闊地

曰碑又未賢如渴公其哀然藏器以達其二三才疑清憲清憲攸

歎四趨明光明光孔章並躋雙掖雙掖忠益皆掌二柄二柄方

正其三還回藻司迺益揚都政既成矣公嘗邁乎輔我皇極奮于

天衢柰何不臧遺世而殂瞋世閱人之不息兮人遺世之遂即

獨四塞之山川兮盡千年之封域噫古之不朽詩載是力撰懿

圖芬兮清深廣直其五

故果州長史李神道碑張九齡

公諱仁瞻字某趙郡房子人其先自段干木至栢仁侯皆以醇

德幾功奮于上世始於藩魏終而將趙其名不隕遠集作濟于

今五代祖後魏中書侍郎豐唐世係表同此懿公璨生徐州刺

史始豐慎公元茂元茂生趙郡太守府君諱鳳昇表作子云鳳

昇生駙馬都尉直閣將軍府君諱道宗道宗生齊尚書兵部郎

中府君諱山壽公即郎中府君之子仍世致美在邦攸宜故我

公稟靈中和履道元吉以學則探其奧旨見聖人之心以行則

踐其嘉言合君子之度以故動為人譽名乃曰宜義府孔脩德

輿云遠故未可量也隋大業中舉孝廉泊唐興調棣州司戶參

軍慈想二州惣管府戶曹參軍宜州錄事參軍莫不事人以直

反身於誠處卑能安敬長則順故光輔郡將周爰我咨自州徂

州或嘯或諾既而遷金鄉晉陵二縣令敏集作精識以庀事善教

以長人四封用孚三英以繁彼蒲與密獨何有焉以課最遷歸

州治中郢州司馬加朝散大夫行果州長史盤栢參佐未復公

侯道非吾行德不集作無必貴遂以沒代豈命也夫某年月卒于

官舍享年若干及喪至日蜀而葬不歸趙乃卜宅於許封樹汝

墳子孫遂家亦既重至世開元中公之孫曰察以古諸侯之祿

奉先大夫之祀畫遊本郡輝光前烈非清白以遺善慶之餘保
艾爾後人亦何以臻此於是履霜爲感恭惟春秋之事刻石是
圖俾揚祖宗之業斯善繼者也叙而志之銘曰夫非平且
長史英英作爲世程動合雅度体有令名以之入官從事而昇
集作允以之佐郡爲政孔明悠悠上天曷不貴德終于參佐孰云
邦國孝孫其昌餘慶乃彰宰集作冢樹蒼蒼微音不忘

桂州長史程府君神道碑

李邕

觀厥品目異等業尚獻臣天與才名神福壽考而中留官序小
往代艱位不極乎多能績未宣其利用哉駿翻翰良工悲聲起
於絕絃泣涕形於抱玉自傷楚老豈獨公明而已哉公諱某字
某廣宗新安人也其先出自顓頊重黎之後周之休父入爲司
馬漢之不識擢居衛尉至若昱輔魏主嬰立趙孤捧日以納忠

殺身以明節精誠發於寤寐義烈冠於人倫宜其貽謀克家寵
光形國業與時並名與功諧者也五代祖響府君陳襲重安侯
隋蕭縣宰四代祖育府君隋車騎將軍曾祖皆府君隋涿郡王
薄大弘府君皇朝安陽令考大辨府君泗水六合二縣宰撰
東証記兩卷藏之祕省莫不託宿元德從事老成典學積於蓬
山能賦秀於詞苑府君令始家則光有國庠傳通全經悉數賢
行孝曰曾子文相相如下筆不休遣言無擇陳平長者把臂每
多田蘇好仁引繩相重解褐徐城尉始足下也旋應五臣昇第
遷宋城轉樂陽簿王畿政重帝告事先掘札雲飛聽訟風靡載
擢來庭長安二赤縣尉樽街御黠夙駕承天驚暗若神應對猶
響籍聽擢左臺監察御史仁克寬文無害耻爲諄刻雅欲優閑
朝廷許之轉詹事府司直歷城門郎長社武進朝邑曲沃好時

雲陽宰六縣皆代工開化順時布和慎簡里胥周省條簿其清
水鑑其坦砥平從心術以外形隨手妙以旁發人樂新政俗勸
古風載遷魏州司馬靜守憲矩審喻案察官師有章人吏不黷
疑作屬后族黜免徹嗣姻連奏引諫書醜詆宰輔選其頰正其
奸賊志士寒心朋家質首左遷府君饒州馬謫子昕崖州舍城
尉俄轉府君桂府泊島夷干誅天師問罪憑險毒送死阻兵昕
乃不俟檄徵自捉銳陣挺身而當矢石拔面而覆冠儲馬施泥
中人走岩下墳氣雖作救兵莫臨劔交於曾戈達於腋其命則
殞其目不瞑嗚呼爭首謂忠供用謂勇倉卒歸盡零落無成有
感路人愍悼慈父沉悲生疾積痛傷年猿堪斷腸鳥可銜木人
非命也天何問焉以開元十六年十月五日奄徂化於官舍以
某年月日反葬於其原舊塋禮也夫人廣宗潘氏封某縣君即

銀州刺史寶勳之息女柔慈孔嘉貞淑丕訓是佐君子宜偕永
年桃李早零松栢同祔子皓曜曦等並才彥惟有名教克開優
游翰墨之場造次仁義之域宅憂殆滅追孝有望匍匐照親哀
迷紀石邕以披顏交道列坐詞人談笑未終存歿相談情也有
慟涕之無從雖不工於文將達於義其詞曰

曾源積兮流彌長高闈慶兮齡亦壽命不泰兮時未將何寵祿
之中否徒政理之孔臧坐踈屬之嬰累重愛子之飛章遭一門
兮二謫備周歲兮兩喪寄永懷兮身後唯沒代兮揚名

梓州司馬楊君神道碑

陳子昂

君諱越字復珪弘農仙掌人也其先帝高辛氏之裔周有天下
晉受其封至宣公伯喬早基楊國若乃彤弓旅矢玄邕赤弟則
禮之樂歌之崇天王之寵光保元候之福一作祉其後十六世

一作有揚寶者天賜黃鳥授以白環若曰

令君子孫世登三世迨震秉彪賜四大五公烈光照于漢室盛
德充於海內金圭銘鼎至今為弘農世家也高祖椿魏尚書右
僕射開府儀同三司司徒公進位太保加侍中給後部鼓吹致
仕歸邑賜安車駟馬傳制三一作人可謂國之元老帝之師臣
功成名遂社稷之寶曾祖思善齊通直散騎侍郎贈中書侍郎
祖敬通鎮遠將軍鄭州治中邛州別駕父君同隋蒲州芮城縣
令皆國書舊史列乎名節公即芮城府君之第二子也少而冲
嶷苦節貞素家無玉帛室有琴書聞少連之風而悅之庶乎身
中權行中清上以際乎天下以敦乎物不應州郡之命有金玉
之心常嘆曰以明珠彈千仞雀吾不能也是觀寶龜之象心滅
朵願探金虎之爻志在幽履遂去家適于高山經十余年丹仙

白雲之志眇然矣屬太宗文武聖皇帝初臨天下物色幽人焚

山榜道網羅遺逸君子若曰天下有道可以見矣於是始以角

巾應命褐衣詣闕陳大道之閑暮論至言之闡奧四字一作帝

曰俞爾言乃可底行若歲大旱用汝作霖雨令南山近塞北漢

連胡石州邊烽皇化未謚汝往欽哉輯乃人禦乃敵以息匈奴

之患始解褐授石州方山縣令樽俎在堂干旄在階布大信於

獯戎示折衝於衽席威名震曜乃升聞也一作有昭一作徵授憲臺

監察御史繡衣始拜珥筆升朝臺閣以之生風毫貴由其劔手

又勅授中書侍御一作未幾又遷祕書郎直中省如故遊鳳凰

之池觀蓬萊之府是天下之榮踐也又轉宗正寺丞居歲餘帝

思南史之才將崇東觀之美又遷起車即加騎都尉龍朔中天

子將觀兵於東夷以復先帝之業凡居中者多出守旁郡是歲

授公朝散大夫除冀州司馬同知州事于時天下雌韓而推魏

壯武帝疑而柔文公始厥承明出臨外郡探凡聖而犯禁崇奸

欲膏朱傳之能以親疑作觀疑作龔遂之政公深鈞潛往英機立斷矩

服赭裾於是乎理麟得中廉授梓州長史蓋在華之南區彭之

北鄙豪俗多靡政削公緩一作攢六國之遺毗雜三巴之中壤

公下車問道觀風立政先之禮讓教以詩書抑浮竊禁冗食堂

叩鍾磬家擅山川莫不為之節制行其典禮來暮之頌復起於

斯時高宗大帝方接千載之統升中泰山玉帛雲趨朝者國預

陪金蹕拜侍瑤壇白雲既封皇慶斯洽加朝議大夫餘如故太

上族命御駕來歸殷楹蔓真遇病一作薨於官舍時年六十四

嗚呼哀哉遺令薄葬不藏珠珍孝經一卷克典一篇昭示後嗣

不忘聖道即以某年月日葬於西嶽習仙鄉登仙里西麓遵遺

令也嗣子嘉賓等哀號哭血柴骨藥心緬惟罔極之恩思崇永

錫之道以為吾丘于役無助冥因季由之嘆空勤負米於是考

羣聖之典擇衆妙之門求所以昭報幽局贊吐冥籍則云金仙

茲救寶手未迎若德從於此則功濟於彼是用歸誠貞諦祈祐

能仁箱疑鐵圍而寫容描一作金蓮而得象於登仙麓之瑩則

造阿彌陀像一區座高三丈并衆變菩薩天人畢備全金湧出

衆寶裝嚴雲仙鬼神周羅上界珠幢羽蓋圍遶中天蓋所以正

顯尊靈光昭惠業達人之事畢矣孝子之事親終矣銘曰

巖巖太嶽浼浼長河歎雲滃霧涵靈貯和陽俟之國宛其中阿

子孫瓜瓞軒蓋駢羅四代五公自于伯起蟬聯虺懿令問不已

二千戶俟三十刺史世濟其榮至我君子峩峩君子皎有令光

不寵我組而括其囊洗心巖遁抗迹雲翔冥鴻來遠白駒在場

解我薜蘿館我墨職邊朔多虞儉狃孔棘之子之往允威允得
于旌在階烽火罷色行行駉馬繡衣之光烈烈薰孤司史之良
而我君子惣其徽章出同嚴助政穆王祥推魏既康鄴蜀猶侈
攬轡言邁題輿載理尺兵允戢亂繩攸靡天子登封拜服玉趾
大禮既畢西歸遲遲歲亦秩止天不憇遺嗚呼眈吏魏涕連沛
曷其往矣來暮歌思梵梵孤子棘心哀疚永號昊天渺泣冥祐
蓮花之國金池玉雷崇此香緣生被荷秀全金既湧衆寶斯裝
考墳其後叔瑩其旁香花園遠松栢成行千秋萬歲祚祉無彊

中散大夫行淄州司馬鄭府君神道碑

張說

五岳可陟惟德也謂之從高萬物皆化惟名也謂之不朽若夫
行欲蓋而德彰道無求而名立膏聞其語今見其人公諱某榮
陽人也華州刺史襄城公偉之曾孫蒲陽太守大濟之孫刑州

刺史乾符

集作

之子在昔周王敦序九族封

集作

懿親於鄭維

時鄭伯敬敷五教賦善職於周其後蕃衍儒門光華士族威行
西域名震京師入則天子授經出則單于抗禮公揭日月表山
川體二氣之清淳納百代之層慶越在岐嶷異於常童以既冠
帶遊皆長者初以門子宿衛解褐涼州參軍轉嘉州司士又宰
鍾離嘗陽二縣皆秩滿兼攝江陵基月政不改俗官不易方群
盜出奔遠人來附其所處也入境開愷悌之風集作其所去也
扶路有鬱陶之思非夫忠信以結之法令以齊之易簡以業之
仁義之肥之孰能順人如此其理者乎神皇玉冊授天金壇拜
洛頌網而鶴書下關門而群龍至公待制公車召議宣室自以
竒生承以顧之恩許其正人參四率之屬乃墨制除太子右清
道長史尋加中散大夫行淄州司馬負士元之才於是拜職遇

立明之疾從茲桂冠洛汭閑居漳濱沉固優游卒歲福應愆期
豈惟朋友之哭將在神仙之平享年七十有九神龍二年夏六
月十五日終於洛陽之私第冬十一月集作十月一日歸葬於榮陽
之舊集無此字原成先志也公執親之喪三年泣血以聞州里不亦
孝乎先人餘業一物不有以讓兄弟不亦悌乎加以賑窮紓急
陽集作隱德陰施惠人由己反身待物是用氣類益親聲談載路
善繫劔好投藎盡五射之妙巧究六書之體勢此蓋行有餘力
則以多能位不充量天之命也有子曰博古曰博雅曰嘉慶集作微
曰嘉微集作慶曰嘉重生極其養沒過乎戚恭惟皇考安宅靈立
盛德備乎集作干俾位家風缺乎國史伐石他山寄哀詞客子產
遺愛得無叔譽之言公業不亡實有苟攸之歎式撰鴻烈垂之
後昆銘曰

大君有命桓公封鄭世執王政其後不競為韓所并以國成性
沉水截河溢為榮波荆山之阿勝氣實多高門峩峩充服委他
猗嗟君子世一作代齊其美動如義市居成仁里鳳集文史猿啼
孤矢善致當官惟人所安救危極越勞而不伐大運奄忽芳留
形沒高壘集作隴下同既封深泉又重徑無人蹤蒼苔歲濃哀哀立
壘陸淚青松

隴州司馬楊公神道碑

前人

公諱忠集作至誠字某弘農華陰人也厥初生人為姬伯之祖因
邑命氏有楊侯之胤其後東陵奮而開國西漢盛而移關門廬
隱隱亘連桃塞之上碑闕巖巖蔽滿華山之下明德之後世有
人馬大王父隋直閣將軍岷尉撫豪道五州刺史刑國公諱貴
大父故左衛副率慈汾二州刺史靜公諱譽考故常州刺史工

部侍郎鴻臚卿金紫光祿大夫散騎常侍太子少師贈開府

集無

此儀同三司上柱國鄭國懿公諱崇敬若夫家聲代業累德

積仁故以克隆前統光啓來葉矣公稟純嘏之粹靈漸軌物之

名教端操以正己崇讓以與人勵精以探道善問以毓德學無

不達藝無不周成童有傾矚之望既冠爲宗匠之表年十三調

大宗集作常挽卽尋補潞王典籤大夫門子執紼橋山王國詞人

曳裾睢苑皆一時之選也明慶中詔郡國舉賢良公對策天朝

無能出其右者遷太子通事舍人再舉高第徙國子監丞坊監

清流才地兼擇東朝束帶銀榜增華西序影纓環林益潤高宗

接千載之統嗣百王之業封岱岳禪云亭稽子舊章俟茲通博

乃除公禮部員外郎祠集作祀事克明大典攸序建邦分職得人

者昌吏曹居六官之首求卽盡一時集作臺之妙又轉公吏部員

外卽準的文昌羽儀丹地丁太夫人憂去職公至行純篤幾於

滅性雖杖經外除而柴瘠如等門人記其喪禮天子憂其死孝

服畢授邠州三水令曳尚方之舄鳴單父之琴志道不矜其大

才勤政無陋其小邑善聲流於邠籥惠化在集作丘於周原又應

文擅詞揚舉策試天下第一敷陳聖謨啓沃明主究天人之際

建皇道之極如有用我者其爲東周乎朝廷納賈生之言排汲

直於外乃拜公隴州司馬未及赴官遺疾卒於長安之私第春

秋若干王祥朱施於邦政陳寔疑終於邑長位不充德其如

命何神龍初中宗克復丕業格于文祖迺睠後臣緬懷先正以

公二子在章綬之列遂追贈公使持節大州諸軍事大州刺使

非夫立言不朽陰德陽報安有藐諸孤而崇集作隆家既沒世而

榮號哉夫人天水趙氏殿中監武強公某之子集作女也受訓公

宮作合君子言容貴於國史德行循於法度六姻之內宗焉始
有輔佐之力卒延門戶之寄初公之捐館也九子呱呱哀線喪
位賴夫人是顧是復日就月將徙宅依仁闔門成訓三十年內
八子登朝廷交虎綬之華門接魚軒之軫某年月日封梁國太
夫人景龍二年五月七日終於長安之延壽里間者遭家播遷
几筵靡託而今蒙國照洗情禮獲申以先天元年十月二十五
日合葬於少陵原禮也第二第三子夫人在堂而沒長疑子弟
八子夫人在殯而亡今並列於塋兆用嘉魂魄長子故兵部郎
中徵中子前武衛將軍泚永懷徽烈思勒銘頌郎中昔嘗緒言
意感延州之許將軍今復哀託情深舊館之悲高跡難名短詞
莫逮採諸故老恭存梗槩云集無其詞曰
昂昂揚君秉心泉懿太河靈岳含光毓粹學妙妍疑作精文道

逸思行爲時範言爲故事存蘊令德沒揚虛位慶善克家哀榮
乃備嗣姑稱妣敬妻曰冀復有母儀千載一致貞墳土壠同封
此地芳烈悠哉金生碑字

文苑英華卷第九百二十六

登仕郎胡

柯

鄉貢進士彭

叔夏

校正

文苑英華卷第九百二十七

碑八十四神道四十五

職官三十五 別駕判官府

高平別駕權幼明碑一首

曹州別駕張無擇碑一首

嶺南節度判官宗義仲碑一首

故胡議大夫高平郡別駕權公神道碑獨孤及

開元天寶之際玄宗始以八柄付三公由是台司得專其廢置

其中或因寵憑位集作憑懼天下有異已者諸附離之者皆出

入三臺若公才令名以望見憚則稍稍優其俸而黜其職故天

水權公幼明由新安令為絳郡司馬高平郡別駕而沒同於道

者皆竊歎之是歲天寶六載秋八月也沒後二十有二載歲次

己未春二月返葬洛陽故塋夫人新鄭縣君榮陽鄭氏祔焉縣

君某官某之孫某官某之子十字集作某縣某以仁儉好禮輔

佐懿德柔明之風訓齊閨門壽六十五大曆二年十月某日終

于丹陽初公娶于博陵崔氏生子曰驛而終新鄭以繼室生四

子曰駛集作軼下同曰申曰器曰舒舒不幸短命驛駛申器悉忠信

好學善屬文位未顯而令名歸之慶之喪訓之流也至是既卜

宅兆驛等懼日月逝集作逾遠後裔不知先人之德善謂及不聲

華集作鄉舉之舊故使錄而銘之云公諱胤集作徹字幼明隴西天水

人也權氏之先出于集作於顓頊其遠祖殷武丁之少集作日子生

而有文在其手曰權因以權受封且命集作命氏馬之周為楚武王

所滅國際其後有仕隴西者遂家子天水歷漢魏晉宋間子孫

世為都尉郡守至裔孫翼與王景略同佐符監官至僕射翼生

二字集作後僕射數世至景宣景宣生士玠並知名於時士玠生萬春歷華

州刺史封千金縣公華州生集作嗣右領軍將軍曰文將領軍生

集作嗣永興令曰懷育公永興之嗣也亦葉之明德粹氣叢乎其

躬故融而為仁行播而為文學童時舅氏崔湜奇文嘗謂有何

無忌之似其鄉舉也考功郎中蘇頲拔諸群萃之中連尉湖城

汾陰新繁渭南河南五縣開元二十三年拜監察御史會監祭

太廟先時同集會事者約相與階赴及將赴祭約者有故不至

遽不暇告公曰人約我矣豈可先已而後信乎遂不赴坐是降

為河南府法曹君子義之初選部舊制每歲孟冬以書判選多

士至開元十八年乃擇公廉無私工於文者考校甲乙丙科以

辨論其品是歲公受詔與徐安貞王敬從吳鞏裴膺李宙張恒

集作恒等十學士參焉究所升獎皆當時才彥考判之目由此始

能賦者童子大笑公攘臂其間以仁義為己任片言隻字動為
 學者所法時輩榮之而居家清方唯德禮是杖潤身飾吏不過
 經術不矯持操以媚貴游二字集作 貴游婿倖行威作福者忌之由是官
 從而階不遷從法曹數歲而後有新安之拜及至歷絳郡安平
 任愈踈遠安貞字中一作 中立未嘗易方虛舟其心與位升降春秋
 六十四而終蓋道之行止與時不并論者以漢梁叔敬栢君山
 為此公所著文二十卷其言之宗趙郡李華嘗集無 此字編而叙
 之矣集無 此字若世系事業則書諸斯文其文曰
 咍弓權公有德有言忠恕廉清道直而溫行有餘力足言斯文
 居高登績勤約是守與明與集作 以信寧黜無集作 不苟跡屈志申
 義彰身後冉改游學左詩潘誅風流遺烈足以遺子九原與歸
 末由也已

曹州別駕張公神道碑

集作 故通議大夫 州刺史 吳吳郡張公 神道碑

張之為著姓尚矣自漢太傅良侍中肱晉司空華丞相嘉以降
 勲賢軒冕歷代不乏肱避地渡江始居于吳故其子孫稱吳郡
 人嘉以孝悌聞於集作 子郡故其所居號孝張里嘉之曾孫裕在
 宋為司徒即公五代祖也司徒之孫傳在趙集作 隋是為吳郡都督
 即公曾王父也台州臨海令諱鷗即公大集作 王父也袁州司馬
 諱李集作 孝績即皇考也或以人物著或以婚集作 闈閨稱迄今為
 江南右族公諱無擇字無擇未冠丁袁州府君憂廬于墓晝號
 而夜泣者三年矣有靈芝醴泉出焉既冠好學能屬文從鄉賦
 登明經弟應制舉中精通經史科補弘文館校書郎調左金吾
 錄事換一作 授杭州錄事參軍在杭州前後詰偽制補吏者三十
 八人駁假年老老者三千人舉而正之人伏其明會劉幽求來

為刺史舉課上集無聞詔授絳州錄事參軍絳之郡丞有主婿

者怙寵侮法豪奪人利公數其罪露章奏之章下丞相府丞相

姚元崇竒之致書褒美尋改太原府功曹參軍給事中張昶為

江淮安撫使表公正直奏署郡集作從事吏部尚書陸象先為

河東按察使狀公清白奏授懷州獲嘉令在獲嘉以不如柔得

人心以不吐剛得罪繇是左遷鄂州司馬移深州司馬轉魏州

長史特上方思理詔求二千石之良者特宰以公塞詔擢拜和

州刺史公在郡奉詔條卹人隱而已不知其他無何水潦害農

公請蠲穀籍之捐者什七八時李知柔為本道採訪使素不快

公之剛真密疏誣奏以附下為名遂貶蘇州別駕幼艾集作攀

泣而應道者數百人信宿方得去移曹州別駕歲餘謝病歸老

于家天寶十集有載正月二十八日集作終于東都利仁里私

第十二載三字集二月十二日葬于河南府伊闕縣中里集作

原享年八十三噫公生天地間八十有三年可謂壽矣其間當

明皇帝馭天下四十有五年可謂時矣有其才得其壽逢其特

然職不過陪臣秩僅至郡守凡所貯蓄鬱而不舒嗚呼其命也

夫公之文學常為賀知章賈彥璿許之公之諒直常為李邕張

庭珪稱之公之政事又為劉姚張陸推之夫以八君子之力援

之而不足以一知柔之力推集作之而有餘厄窮不振以至沒

藍嗚呼其命也夫故人云道不虛行又云其後必有起集作者

故公之子大理評事誠以節行聞于時公之孫戶部侍郎平叔

以才位光于國報施之道信昭昭矣不在其身則在子孫相去

幾何哉長慶二年某月某日平叔奉祖德揭而碑之四字集易

居按集作家狀序而銘之其詞曰

居按集作家狀序而銘之其詞曰

有木有水碩大而長破為桷棧疑作不作棟梁有驥有驥規行
矩步辱在短猿不駕大輅嗚呼噫嘻公亦如之將時不遇我而
我不遇時勿謂已矣天錫多祉既賢其子以濟其美又才其孫
以大其門苟無先德孰啓後昆

嶺南節度判官宗公神碑

豆盧誥

夫工文者或懦於勇烈善武者或昧於政理徐則失於斷疾則
寡於謀至若文而有勇武而有政徐而能斷疾而能謀者公有
之矣公諱羲仲字羲仲其先南陽人也高祖出宰掄次因家太
原昔宋襄公之母弟教仕于晉至伯宗為三郤所害州黎犇楚
其子家于南陽以王父字為氏公其後也遠祖均東漢為九江
太守累遷司徒六條分而千里雲行五教敷而四方風動厥有
成績罔或不臧自東漢迄于聖代英賢間發史諫詳焉曾祖隋

雍州牧鄱陽將軍諱義國之選也烈考皇靈州錄事參軍諱良
獻人之望也皆績戎前緒垂裕後昆乘德不回世濟其美公則
靈州府君之仲子也允武允文惟忠惟孝非歲夫趨庭之訓絕
漿有類於參乎弱齡喪倚門之慈泣血不殊於柴也曾未弱冠
克自激昂不安顏子之貧遂投班生之筆乃慷慨而言曰文武
不墜在人弘之遂從安思順破魚海敗五城授上柱國又從哥
舒翰破吐蕃收九曲前後討伐稠疊勳庸累遷游擊將軍左武
衛中郎將暨乾元中秦州防禦使都督楊公公之懿親邦之碩
德也懷郭有道之深識行祁大夫之內舉以公才兼文武德剛
柔表為司議參軍尚賢也至上元初楊公為同州刺史又表公
兼轄城令當縣團練使任能也櫬槍未攘獫狁孔棘既回之以
師旅又加之以飢饉寇盜蟻聚於我疆黔黎鳥散於他境城壁

頽圯鄣戶閉墜彼方望公如歲公於是完城郭庀器械均賦
歛峙糗糧城郭之完也則蠹長雲以倚天器械之庀也則騰勁
霜以撲地均乃賦則流人不詔而來峙乃糧則軍士不戒而備
農狎於野商復于肆去其煩苛敦其簡易曾不期月而人知所
庇解印未幾朝廷多之遷澄城令無何楊公拜御史中丞嶺南
節度乃諮參公謀授以參軍時官官呂太一怙恃寵靈凌霄神
主前節度張林爲之棄甲公於是稽韻略演道法算之以孤靈
考之以風角潛軍間道克復舊蕃甲士不勤而兇黨殲矣所謂
不戰而勝者也乃大貢方賄丕叙庶績朝議嘉焉授大理少卿
且監察御史仍充節度判官懋賞也棘署亞卿表其赤心而刺
外栢臺柱史俾其白簡以正邪方將振翼南溟南城北闕耀威
靈於象郡布渥澤於龍川豈上天不惠降此大戾閔水去而不

留藏舟奄其長逝以永泰三年四月六日寢疾捐館於上京務
本里第春秋四十有二以其年五月十八日葬畢陌原禮也公
之元昆曰夷仲早世而殞公之季弟曰昌仲爲光祿寺丞撫孤
追往號慟靡及惟公禮以檢身忠以奉國其事上也敬其臨下
也簡御衆以寬撫孤以義率性而仁愛及物因心而孝友過人
從官之祿利散霑於踈屬承家之資產悉付於同生宗族之所
嗟稱寮友之所景慕者也夫人昌黎郡君豆盧氏太原交城令
元偉之孫寧州真寧尉廣洽之女也調諧琴瑟志厲冰霜施衿
結縵作嬪君子婉孌淑慎宜其家人伯道無兒豈獨悲於晉史
共姜誓已寧專美於衛詩痛失翼於凌虛思招福而遺有終願
削髮禪寂衲衣空門啓幼女之未嫁柳深心少止歲月逾邁陵
谷有遷願播芳猷紀之貞石說也不佞知其爲人哀彼譚公念

茲歸祔乃爲銘曰
於穆君子問望不已文武並茂忠孝兼美德所立兮平齊韓邑
嗷嗷疲人命公爲宰厥政惟新化所及兮小臣不帥肆雲荒裔
師徒不勤渠魁自殪資令謀兮聖朝懋賞俾崇乃秩卿月照庭
臺霜輝質沐鴻休兮天地不仁殲我邦彥百身莫贖執不與怨
行之積兮孀妻孤女魂斷骨驚爰紀貞石永播芳名美無斁兮

文苑英華卷第九百二十七

登仕郎胡柯

鄉貢進士彭叔夏

校正

文苑英華卷第九百二十八

碑八十五 神道四十六

職官三十六 判官

趙州錄事參軍陸孝賦碑一首

玄州司戶呂慶真碑一首

瀛州司戶李府君碑一首

趙州錄事參軍贈齊州司馬陸公神道碑張說公諱

孝斌字順姓陸河南洛陽人也其先帝嬀啓姓陳胡之族敬仲
之孫有齊國宣王之弟封陸卿蓋命氏之所由興也秦并諸國
陸氏分適燕吳在燕者魏文成帝時東平成王侯生平原簡王
麗重世游美爲國之華公即簡王七世孫也曾祖彥昇北齊以
文藝高選任祕書郎以至德表所居號終孝里祖玄亮隋鷹揚
即將父淳感盤栢利貞弓招莫進同誌誅行謚爲惠康自成簡
至惠康 集無此六字 孝弟仁義世不殞矣公誕靈沖和稟識高朗簡

而中禮易而達節篤學勵行著實飛聲文史者宗其淵府德行
者仰其墻仞舉國子明經選絳州叅軍始州司法一作德安

其在官也示人親其親長其長不苛察而小無廢不皎異而大
有成知常日明常愴如也喪親過哀因中風廢卧疾累年不起

楚郈肇封大羅雲逸雖沉痾未弭而僉望允集作先歸授楚王府
兵曹叅軍實有躬降師賓之禮日繫儀形之訓府罷換趙州錄

事叅軍以病去職聖歷元年匈奴入趙公危邦不處盡室以行
望河南而將濟之黎陽而疾甚年六十二月丁未終於姚村

之逆族歸殯放滏陽之郭北先天二年皇帝踐祚以故吏贈齊
州司馬惜哉用公之道行公之志上可以序三光下可以平九

土存則位不充其德沒則榮不逮其身命矣夫夫人范陽郡太
君盧氏故岐山丞瑾之女恭儉之德備貞信之教興妻道母儀

自家形國享年七十有六開元六年十一月未終於洛陽之
宣教里八年五月丙子合葬於漳北之神崗禮也初咸亨中王

師征遼公叅是軍事友人太原王守義遇疫於海東路艱寇阻
兵危勢急公獨顛沛致喪歸其井邑其在安州也朝廷以公精

達法理乃命覆囚劔南梁岐寃繫動盈千百丹筆所詳十全八
九其捨生徇義迺已施仁皆此類也禮莫重乎飾終於是見其

不朽矣善莫大乎餘慶施是知其有後矣四子伯玉仲容叔獻
季良泣血銜恤視天若墜俾予作頌式昭遺懿銘曰

曠哉陸公觀奧臻妙文雅外炳清白內照從政本仁資忠移孝
不言而理正身作教才何富之命何負之居喪柴毀遭疾棲遲

嗚嗚千載賢士之壠

玄州司戶叅軍贈慶王友東平呂府君碑張九齡夫官
 雖序賢志道者不常有位才雖屈命福善者未必無後子夏學
 之達以為富貴在天于公決曹之平則云子孫由我蓋不享當
 代生數猶竒流慶後人牙體乃用亨之會也則蓋有無集作馬
 公諱處真字虔永集作永東平人曾祖北齊幽州長史府君諱贇
 祖隨貫州中正府君諱伽考滄州清池令府君諱師昔伯夷在
 唐實典三禮四獄佐禹用平九州虞夏以功而逮集作逮封申呂
 因邑而命氏惟時歿後非代王承公正性之有自來直道之不
 充訕嘉勇退之為集作惟德避近名之未善集作然越在弱齡棲遲
 事外用光本於藏曜履行期於滅迹不遠於仁行之斯至不苟
 於義方之自正集作上佐一郡而即安居九夷而匪陋始不然者
 公何據於東裔哉起家授玄州司戶叅軍晏如也言旋初服遂

從所好外物之槩不雜於風塵遠子之言唯聞於時禮所謂溫
 良淑慎無競伊人者歟天冊二年夏四月遇疾終於一作家春
 秋五十有二開元四年冬十一月葬於邑城西南四里原夫人
 北地傅氏祔焉夫果於立誠靜以俟命力不足者則不疲運不
 至者則不憂物情之難及我而易是以名利衆之所欲也則澹
 泊之德義人之所鮮也亦克蹈藉之如此而神不勞福不流未
 之有也有四子長曰玄知今左威衛司戈次曰玄晤中散大夫
 使持節鄜州諸軍事守集無此鄜州刺史次曰玄智左威衛執
 戟次曰玄爽左衛長上惟玄晤至大官此其教忠有舊服義無
 斃好爵是興集作與餘慶所貽入為王門之長出居邦伯之列屬
 思推子貴名彰身後事有光於冥漠德乃發於馨香三命為大
 夫百代稱先子孝理所賜邦族為榮開元十七年有制贈公慶

王友夫人贈河間郡君累仁集作仁之符至是所驗惟神之鑒謂之不欺公之女孫曰東平都夫人冠軍大將軍右監門衛大將軍渤海高公之夫人鄜州刺史之女也冰玉相暉椒蘭同馥由福履於君子與吉集作嘉會於善人齊姜于歸魚軒擘以照路廊時之往能載殷其若雷有車服而始大履霜露而追遠於戲食于舊德無念集作忝爾之奉先樹之休聲有以見其歸美銘曰赫赫我祖惟師尚父泱泱大風悠悠終古施于胤裔憲是文武我美其濟我則斯取雖匪高位亦惟碩德我王之友彼夫之侍既真且亮宜語而默投足皆安終身不忒戔戔積善以福後人眇望家慶煒煌宗因瞻彼松檟集作錫之絲綸今也追飾寔爲先臣先臣伊何宜其有後志之所尚義無所苟身雖既沒名豈虛受立德在茲亦云不朽

故瀛州司戶參軍李府君碑

前人

君諱某字某趙郡房子人祖山壽齊尚書右丞兵部郎中父仁瞻朝散大夫果州長史世德所載見于先碑公懿烈無忝雅有風度集作度量體和而韻縉之以絲性婉而文受之以采故好學不倦而墳典必精慮善以動而規矩皆中悉心存乎道義餘力見於文章人以美談日聞休譽弱冠舉進吉調補同州參軍換瀛州司戶參軍以素所履以施有政居獲乎上往得其中無不嚴祇長史之所嘉歎無不崇讓同官集作年之所敲服宜爾戩穀光昭令圖如顏子之不幸豈商之云命某年卒於官舍春秋若干公家世尚儉子孫是或初先大夫之喪也清白以遺而果無松積高燥是榮集作標是營而庶有餘慶豈所謂不戀本達也無懷土以重遷不傷生仁也無因財以遺集作之祀夫然趙之北際何心

故鄉許之東偏亦云樂國故喪之歸也遂定于斯及嗣子察受
教義方能慕德業服事華髮繫身清朝天子方差擇其良惠恤
于下由是解印少府剖符大本集作州衣綉而歸雖榮之在畫重
茵以立而悲不逮親結諸心形諸色孝子之志國人所稱於是
手歸美以揚先謨德以示後蓋烝夷之義也得無述焉銘曰
倬李侯世載德行時範言士則三英繁集作發非百夫特肥而家華
而國美無度命不融足云集作方駿途斯窮子餘慶享次嵩我不
訓藹遺風

文苑英華卷第九百二十八

登仕郎胡柯

鄉貢進士彭

叔夏校正

文苑英華卷第九百二十九

碑八十六神道四十七

職官三十七縣令一

益州温江縣令任晃碑一首

原州百泉縣令李楚才碑一首

益州温江縣令任君神道碑

楊炯

漢丞相之尊官大位乘車集作輪蕭於十人齊景公之利用厚生
有馬盈於千駟羽旄冠劍縱金鳴玉疊其前苑囿池臺清歌妙
舞喧其後崇高在於寵祿大欲存於食貨義然後取橫玉帛以
當仁道不虛行坐鹽梅而自得若乃時之不與數之不通貴賤
任於天窮達由於命左太冲之詠史下寮實英俊之場稽叔夜
之著書賤職為老莊之地雖復勢力以高下相懸尊卑以商周
不敵孔宣父中都之小宰幽厲多謝於陪臣陳仲弓太丘之一

官公卿有慙於縣長是以德成者上道在斯尊陶潛則安枕北

窓言偃則鳴絃東武柳揚足以儀四海顧盼足以破三軍代有

人馬於斯為威集作斯公君諱晃樂安博昌人也其後因官

遂家蒲州之永樂天子令德軒皇為誕姓之源諸侯計功薛國

在宗盟之後西京執法則有御史大夫東漢循良則有會稽都

尉任光鄉里之忠厚任隗朝臣之鯁直益州集本如此是按華陽志任文公智士

在益州英華作淮陽非從事術數知名臨海真人清貞克己况乎東西海

岱強齊九合之都表裏山河全晉三分之國車馬雷駭衣冠鼎

盛盟書百代可謂功臣遷徙五陵實惟豪族曾祖顯祖熙考憬

並策名天爵獨步人師懷素履之幽貞保黃裳之元吉張家碑

碣荆州有七代孝廉荀氏鄉亭潁川有八人才子君外資剛健

內育文明合千載聖賢之間鍾五行金木之秀王恭濯濯春柳

懷風和嶠森森寒松集作景有曾參之孝有史魚之直有子夏

之文有冉求之藝先王德行固名言而在茲大聖溫良亦顛沛

而於是當朝一見許其王佐之才行路相逢知集作其美人之

贈解褐為家令寺主簿天王太子之位赫赫前星天地長男之

宮嚴嚴集作巖巖左闕出身事主元良永固於萬邦束髮登朝七鬯

不驚於百里秩滿授將作監主簿千門萬戶張華窮壯麗之圖

東主西賓班固致集作謳謠之實一作職實掌宮觀是名將

作大司馬栢溫之府績用在於元琳集作大將軍竇憲之曹文

章寄於亭伯累遷右衛長史南宮左掖上將陪藩北落師門天

軍列衛東觀漢記梁統有清白之名興晉書薛兼有恪勤之譽

詔遷朝散大夫行益州溫江縣令華陽西極漢水東流背面通

秦越之鄉左右夾巴涼之地風煙可接懸車東馬之山雲物潛

通織女牽牛之象神仙所宅則有二十四居途路所經則有五
千餘里金城石郭選聞上代之風國富人安時聽中和之樂於
是乎龍泉獨斷龜旒旁求品命千名封疆萬戶暫過亭長乘軒
之望可知且詣中軍理劇之才有屬旌孝悌勸農桑省徭役存
鰥寡所以一縣稱平所以百城尤最蕭育是杜陵男子不入後
曹黃浮非鄉里所知不寬同歲洛陽行馬門士無心齊國池魚
權家絕望鄭文公邵陵之縣但稱男女之名師尚父灌壇之鄉
唯有神人之矣實謂樞機八座上下三階豈維縛柱鞭絲操刀
製錦巫馬期之任力弊起乘星鍾離意之悅人災生解土享年
五十有九以儀鳳二年六月二十五日卒於官第夫人姚氏徵
士神人之女也壽丘僊葉媽水靈苗定姚信之機衡審姚光之
術藝明星皎皎不臨太丘之前暮兩沉沉不散巫山之曲婦人

謂嫁曰歸

集無此二字是

女子有行織經組紉棗修榛粟南斗千齡之

匣忽愴沉江北方三代之儀終悲共穴先以咸亨三年七月二

日終於西京羽善里之私第越儀鳳三年冬十一月一日

集有子字

歸祔於永樂縣歷山之平原卜虞芮之閑田帶闕河之設險居

人致祭同

漢書作祠

鄉有朱邑之祠恠力城墳葉縣有王喬之墓君

燕趙奇士神僊中人容貌魁梧衣冠甚揚子雲之窮巷好事來

遊段干水之之閑居通侯展敬自陳力就列居家可移妾本絕

於織蒲馬聞於食粟原子思之後秩徧給鄉人孔文譽之中

樽延留坐客加以徧

集作備

觀圖史尤精釋教夢幻泡電知一切

之皆空園林貨財見三陽

集作揚

之已淨遭時集作命屯坎浮生蹇

剝佳人不再荀奉倩之傷神赤子無期潘安仁之慘慟天乎到

此命也如何及其瞑目少城歸骸舊壤平原古樹唯餘孺子之

墳春露秋霜非復臯繇之祀於是鄉隣作主朋友加麻撰德銘
之於素表常集作披文刻刊集作之於翠石魯哀公作仲尼之誅天
不慙遺蔡伯喈爲有道之碑人無媿色其銘曰

軒帝之族漢朝之臣西州智士東海真人豪傑天縱衣冠日新

實生其德必有其隣道在爲貴知機則神氣衝南斗價直西秦

大蒙集作象非之信太平之仁辨窮非馬學究成麟孝友爲政觀光

利賓重明此德少海爲集作方春宮室之象南斗集作端辰甲兵之

衛閭闔鈞陳山控金馬江迴玉輪天文井絡地紀梁岷庭前置

水旣内生塵園蠶有繭集作績野雉來馴時命屯蹇生涯苦辛寶

釵虛集作靈贈玉樹長淪厚集作輔德無輔清集作親仁不親百年天

枉集作性一旦歸其雷鳴集作首之下長河之濱旌旆委鬱徒御送

遊悲風洎集作洎起血下霑巾死而可贖人百其身

原州百泉縣令李君神道碑

前人

金城裂地之災玉弩驚天之禍蹶崑崙以西倒蹋秦山而東覆

三微歷數盡歇以聲一作星非沉萬國衣裳咸土崩而瓦散是故殷

憂啓聖聖人騰海嶽之符草昧興王王者受風雷之趾集作社則

有思窮圖識潛觀赤伏之萌識洞機祥暗察黃星之兆天懸兩

日詢去就於河宗地震三川考興亡於柱史危邦不入亂邦不

居剪荆棘而叩天門臨壇場而對休命及其玄黃再造日月重

輪功成而不居名遂而身退南華吾師也親居賤職東方達人

也安乎卑位然後武城絃唱優游禮樂之中彭澤琴樽散誕義

皇之表雖杜當陽之文武蘭菊猶集作恒存而薛孟嘗之池臺風

煙遂歇悲夫死生命也貴賤時也用之則行捨之則藏出處者

君子之恒務左右者君子之攸宜吾聞其語矣今是其人也君

諱楚才衛州衛縣人也昔統樞神電軒轅氏之馭百靈貫月祥
星顛項氏之臨四海金科作範商丘有帝系之雲王札披圖函
谷有真人之氣由是公侯策命歷千載而彌昌鍾鼎歆娛經百
王而不替豈真將軍列位孫吳暗合之兵協律當官天地冥符
之樂若斯而已矣曾祖裕後魏東宮舍人太子洗馬使持節徐
州諸軍事徐州刺史燉煌郡開國公贈交豫二州刺史直城西
望高闕東臨非無置驛之歆實有前驅之寵瑯琊負海人門都
督之榮王彰穎河百代封侯之貴大父昌北齊彭城王府中兵
叅軍事隋濟陰郡丞襲封燉煌公文場筆海炤爛等於星辰辨
囿談叢鑑鏘叶於風雅九千里之丹鳳始踐王門七十日之黃
龍初階郡職考孝友隋晉州岳陽縣令顏回稱大平王佐一作佐王
月角殊姿仲由稱禮義霸臣星一作奇衡詭狀唐都昏野有陌山

太嶽之風墨綬銅章有錯節盤根之化若夫于公之宅駟馬爭

驅辛氏之門五龍齊驚英靈不已還當命代之期將有徵集作物相有徵

克保承家之業東郊競日探祕跡於機衡四蜀談玄測靈心於

造化雄才壯思首九奏而和八音殫一作廣見洽聞披五車而接

集作誦三篋加以興居禮樂出入孝忠簡於一人備於萬物弓旌

疊湊始命賢良幣帛交馳載銜巖穴從微至著濫觴萌括地之

波積小成高覆貴漸排雲之構隋大業十一年補謁靈集作者臺

散從負外即非其好也屬千三否運百六災年諸侯窺玉鼎之

尊天子厭金陵之氣蚩尤則命風召雨桀黜於中州共工則折

柱傾維崩騰於海縣能扶天下之危者必據天下之安能除天

下之憂者必享天下之樂我高祖神堯皇帝所以從人望宅靈

心鎮集作振天關迴地軸鼓聲雷駭親張霹靂之威旗於星懸手

握招搖之柄君冲情索隱妙筭知來侯東井而考前聞列西河

而尊故事挾三畧之奇謀蘊六韜之祕訣集作上略中略奏少石之奇謀文韜奉川黃

之祕訣義寧二年授車騎將軍仍於邛集作弘州鎮守皇階甫闕猶勞尉侯之

四府右車騎將軍仍於邛集作弘州鎮守皇階甫闕猶勞尉侯之

虛靈集作天步初夷尚有風塵之警示之以文德陳之以武功所

以夜集作外戶不局所以重門罷析六年轉仲山府左列南州集作邑

舊俗淫其白獸之祠西燹餘吐背我黃龍之約王師直進陵劔

棧以長驅廟略遐宣指銅丘而決勝七年詔君討藁楓天棗地

金門玉帳之營方卦圓著剌本弦弓之射以此衆戰誰能敵之

以此攻城何城不尅雷出而星耀龍騰而鳳飛一鼓而擒四姓

三戰而平百漢大夫耆老非唯二十七人拓土開疆豈直五千

餘里返行飲至拾爵策勲焉禮也其年加上大將軍賞口十六

人并良馬一疋俄以争功得罪游俠從君集作居恃降王綸遐遷

騰府通塞有命潘安仁之緒言富貴在天卜子夏之餘無諧論

集作階封禪空歎息於周南絕望夏集作靈臺竟棲遲於漢北太宗

文武聖皇帝承聖皇之大寶奉天帝之休期雷雨八羸光華四

擣旌賢赦過惟新之命屢覃念功簡勞惟舊之恩累洽貞觀元

授長樂監仍命集作令於北門供奉宜秦禁苑太液神池浸石菌

而揚波擢金莖而挹露南經舟徼恒陪萬乘之遊北統疑作統黃

山再奉三驅之禮當是時也穆穆焉煌煌焉齊齊焉鏘鏘焉一

陰一陽而有序自南自北而無外猶復中霄不寐殷勤多士之

林吳景忘疲澳汗非常之辟十四年應詔四科舉射策登甲第

明於國家之大體達於人事之始終可謂宰相之璞集作朝宰之模可

謂皇居之寶漢朝集作洛陽才子已承宣室之談魯國儒生行踐中

都之邑尋綬靈州鳴沙縣令累遷原州百泉縣令斜通紫微却

負黃州涼秋九月寒沙四面平雲匝隴處處而秋集作陰圓魄

低開蒼蒼而夜色君乘輜演教佩紱臨人德被三城風移五縣

抽琴命操還臨單父之堂擊石飛鳴集作聲集作即對重泉之學明以

御下將水鏡而通輝清以立身共冰壺而合照神行有感方登

玉鉉之階化無方獨歎瓊棺之暮集作墓集作春秋七十有一以顯慶

元年十二月八日終于官第君年十一丁外艱朋友相哀家人

不識昔稱曾閔今日荀何近古以來未之有也隋郡東曹掾江

溢見而歎曰此貞可謂保家為化嗟尚者久之大業末年皇綱

漸紊不掃一室自懷包括之心獨守太玄且忘名利之境于時

魏特進房僕射杜相州等並以江海相期烟霞相許付同心之

雅會訖刎頸之良遊或閉戶讀書累月不出或登山涉水經日

忘歸斯賢達之素交蓋千年之集作一遇洎塵埋五岳海沒三

山辭殷而奉周背楚而歸漢深謀遠慮即良平無以加也行軍

用兵則韓彭不能尚也數奇命蹇一作遂無望於高門日往月

來竟消聲於下邑情鈞寵辱則萬象同歸跡混彭殤則百齡俱

盡浮生若寄大漸彌留遺誨子孫庶幾薄葬等梁鴻之宅兆貌

矣佗鄉符祭仲之高居依然新鄭唯仁與達君其有焉存榮歿

衰此之謂也即以某年月日葬於某原夫人廣平宋氏齊尚書

左丞士順之曾孫隋建國郡司法長文之季女霜淒月瑩菊艷

茗華淑問秀於閨房柔風洽風詩禮琴前鏡裏孤鶯別鶴之哀

竹死城崩杞婦孀娥之泣集作相集作長子金何府校尉上柱國輔

仁等十輪方駕萬石駢衡窺上帝之兵鈐入先王之冊府指蒼

天而永訴血不霑襟對白日以長號悲來填臆於是總麻執友

素蓋賔朋傳祖德於高陽考豐碑於大學庶使城隍一變猶知
鄧文之名陵谷三遷尚識鍾系之字其名集作詞集作曰
五斗之英瑤光之精巡河拜洛握紀提衡柱史論道將軍用兵
陸離簪綬弈葉公卿嶽牧騰譽絃歌有聲階蘭疊影巖桂增榮
山澤通氣風雲表靈凝脂點漆月角珠庭白玉無玷黃金蒲籬
忠爲令德孝實天經朋友千里烟霞百靈琴罇野尚松竹山情
數屬群海時逢闕星黃龍電震白騎雷驚赫矣高祖元亨利貞
聖人有作天下文明自此提劍因茲間行舉鱗北海附翼南溟
水火之陣孤虛之營左提右挈東討西征巨猾斯斬元兇載清
功符衛霍思若良平自滿知集作損居中忌盈蕭條異縣坎壈
浮生降以中旨賔于上京陳書詣闕對問揚庭山連鴈塞野接
龍坳朞月而已三年有成波瀾不息箭刻無停梁木其壞高壺

已傾關雲斷絕隴鴈飛鳴頓雙鳧於葉縣踰駟馬於騰城

文苑英華卷第九百二十九

登仕郎胡 柯 鄉貢進士彭 叔夏 校正

文苑英華卷第九百三十

碑八十七神道四十八

職官三十八縣令二丞尉附

蜀州青城縣令達奚思敬碑一首

并州太原縣令路太一碑一首

瀛州河澗縣丞崔漪碑一首

故洛陽尉贈朝散大夫馬府君碑一首

蜀州清城縣令達奚君神道碑

粵以煌煌丹草非濟物之用而冊府書之粲粲白石豈益國之

器而史官紀一作記之况迺六義基身四維成性風調百里雨潤

一同動植俟之以滋榮人淪資之以和樂使仰之者若日月敬

之者若神明畏之者若雷霆愛之者若父母而可威德煙滅

無聞於後哉君諱思敬字安嚴河南洛陽人也若乃二星分北

掩龍沙以居宗六月圖南擅鵬溟以為大寶一作非天命昌意啓

我幽都帝一作宗封始均大一作伐雄弱水積六十七葉九九十九

姓豫鄰之代分為諸國兄弟七人各統一部天倫之感達奚居

上高祖遷洛有志諸華思變其風多改舊族故達奚於後使姓

奚焉周氏洛華復姓達奚氏矣自茲厥後可略而言曾祖諱武

字文朝為王瑩大將軍東道大行臺十二將軍同華二州刺史

雍州牧太師太傅太保鄭國公諡曰桓于時齊氏跋扈於并鄴

有遷鼎之宏志周人經綸於關輔當運斗之有功一作九政兩界交

爭三軍邊一作邊及攻守之術應變若神戰勝之方倉卒得妙由

是天臺八柱分作宰牧之尊帝坐三台合為師保之貴大父鄴

太子左千牛尚輦直長于時高臺漸傾曲池向平金玉蒲堂他

為道德瑚璉入廟直接明神早露先廂不登爵秩昭考諱孝茂

皇朝滑州司兵參軍易州易縣令却負盧龍之塞漢疑作陽之

突騎成風前欵飛狐之門邯鄲之俠客交亂君水火相濟文武

兼施巨闕之前訟端自喪常山之下符彩生輝君則驪泉夜光

虹巖朝彩籠雲罩月之頽必由於尺薛遵江及海之浪亦經於

寸源叙用有階莫或不踐總章中以仁勇校尉守左衛率府翊

衛秩蒲以文藝優長簡入吏部後解褐承奉即行幽州新平縣

尉雖時以為羨心非所好故咫尺之間無因騁迹也秩蒲停家

積年授徵展駿足未超一作起前路辭蒲之後遂以丘壑為心垂

拱之初天命已改則天皇帝攝行君正心適區中採芳草於蘭

澤省山苗於松澗遷留神陸沉隨方擢善二年授高陵縣主簿

以舊德起也屬西蕃不靜北方多難被奏充牙道行軍司兵事

所計謀存於我功在諸人授之加朝議郎行蒲州司法叅軍事
既表襄山河股肱要壤用之惟器選擬爲難君盤根錯節等庖
人之遊刃發伏隨姦同郅匠之揮斲紫宸迺顧赤縣瞻風長安
二年調補乾封丞矣疑蜀岷山井絡之分帝以會昌梁州與鬼
之躔人爲繁雜相如之宅無復德音文翁之堂空餘陳跡人不
見德年代以深舊稱難理斯焉是類四年授蜀州青城縣令以
人望遷之君下車布政惟誠待物舉義狀忠貶惡除盜或謂曰
不迺闊乎君謂之前史有之舉有義者所以救貪汙無恥也舉
有行者所以救廢亂失道也舉廉讓者所以救分爭也舉遜順
者所以救橫逆也舉質朴者所以救離弊也舉博厚者所以救
賤賊也今若此皆有吾何已焉吾薄劣實荷榮漿既承澆競之
餘復當巧詐之威若不憲章古道祖述前修真役轍不遷其軌

必也政成何望暮月遂爲明科例自刑諸已以上善而苞荒用
者而而禁暴曾不晦朔闔境肅清剽狡潛散誼頌攸遠聲震錦
城雙流爲之變色德充錦八里郡以之易心屬七廟靈長三光
復道則天推位應天嚮明以加朝散大夫承國慶也將謂魯恭
才識坐入司空卓茂賢明行昇太傅豈馳波易遠過隙難留遽
沉連石之輝遂往縣碑之路神龍二年八月二十七日終於長
安之義寧坊私第也惟春秋五十有九惟君少懷忠義以信分
爲冠冕長好急難以然諾爲爵邑天姿孝友率性冲和虞仲寧
學高德博而蒸嘗無主劉休洎帝室王門而禋祀不繼大夫人
隴西李氏將軍該之女有行業每以此歎之君夫人義興縣君
蔣氏則尚藥奉御豈之曾孫太子門郭義安之女瑟琴友之同
誅河州之什蛟龍合矣共赴延平之津景龍二年十月十六日

終于義寧里春秋五十有一以景龍三年三月十日合葬于咸陽之畢栢原禮也有弟二女道光柔順德備幽閑雖裁柳絮之篇未獻椒花之頌適太原郭氏左衛武亭府別將長上如王之妻墻宇端肅風神爽邁温良日用忠孝生知束髮祈榮彈冠入仕敢當仁於潘掾荷昔眷於戴侯爰託青鳥方崇白鶴南瞻謂水庶見儀天之橋北望荆山長標鎮地之因其詞曰

龍司北溟鵬翻南海地鬱靈氣天降神宰奄有諸華遂荒章亥柳惟高祖正朔斯在兄弟之國七族攸昌親賢胙土四姓斯光矣于陸穆衣冠紀綱西魏將末北齊竊號太祖經綸玉璽是犒匪禁小賦用虞大盜累如垂疑作秩每增優勞守禦功多鄭國是報昏明運運陵谷成災直長垂翼有美且偲青松藹藹白雲皚皚施于易縣尉有楚才一作惟楚有才欽若府君歷遊華渚整翮理

翰嘯傳命侶風光融融靈青湑湑道以濟俗德以禦侮龍飛中興明鸞上騰五方星聚六合雲蒸朝興斯炳大夫如陵冀搏風而上征荷天衢而元享風叩京兆之邸日薄長安之城白鶴崇隴青鳥相瑩琬琰斯勒存沒爲榮

并州太原縣令路公神道碑

獨孤良弼

夫作德儲祉垂裕錫羨玄運之符也以爵馭貴顯親昭孝國令之勸也然則道先於物者靈徵速功備於人者恩典異參厥命數考其慶端至哉太原茂業斯在矣公諱太一陽平臨清人也其先帝譽高辛氏孫曰玄元有功於唐曉封路中侯建德賜氏公即其後襲興圖紀才不虛世迨於隨也曾祖充位至上儀同三司大長秋令安皇之建極長父文昇仕至左光祿大夫秦州刺史中宗之紹復烈考元哲官至并州榆次縣令博忠淑亮異

同代節公淵疑有志度合尋表心順性命體形訓格至道可憐
疑浮運可端造融理極得天地之全者也始年八歲丁尊夫人
艱自然崩毀異日不食既孤無疑睦幼弟温慈誘勗息更氣時
務於勸誡者每推爲教本舉以誨人年十五讀老氏春秋精用
所得不爲虛學以先蔭補太廟齋郎歷衛益三州司功叅軍思
其官會其要雖決恒務有弘大有所去之邦服其理尋擢授并
州太原縣令故相國河東公張嘉貞時典此郡以公諫納今古
風韻壞朗嘗密衛所親曰雅道不頌今復於見斯人由是有要
託始不隔公禮之分矣其實爲邑之政潔其惟源異氣齊和土
壤可信出處語默無非教焉及秩滿送歸之日老幼畢至瞻望
嗟涕如去其親嗚呼運及世期靈歸化本春秋五十七全歸途
逆旋遭疾而終時開元五年八月十三日也夫人榮陽鄭氏始

州臨津縣令方喬之女禮部侍郎温琦之妹清顯裔考明閨訓
經理于內上則是宣故得叶義純賢誕詔後慶後公十載而歿
以開元二十三年合祔於京兆府萬年縣少陵原從先塋禮也
有子四人長曰兼之撫州司法叅軍次曰梁客蘇州海鹽縣令
次曰羽客鄭州別駕咸該蘊器藝殂命下位季子兵部尚書冀
國公贈尚書右僕射嗣恭啓應前休挺傑宏表苞合文武爲朝
碩臣城朔方清嶺表軋綱立西北之柱坤位正東南之極夙敷
惠術實德于人六專尚書再杖麾鉞於是建國命爵崇廟饗靈
寶應初始贈公同州刺史夫人榮陽郡太夫人今聖踐祚遷贈
左散騎常侍幽祿之恩照融上徹賁寵之位歷乎一作兩朝弘
密之行光宣二詔且夫體仁居貞含德自保大道之宗也福流
來胤克昌大業積善之應也貂冠具服位光近列揚名之義也

籩豆有序饗獻以時罔極之尊也備茲懿典其可已焉建中三年夏五年孝孫前祕書省著作郎應洎令弟懷州刺史恕前祕書省校書郎憑天魯崩心血衰過性楚瘵匍匐旌樹先塋式遵無念用彰不朽以良弼冀公幕府之舊見託書詞敢存實錄之紀以成尊祖之業其詞曰

於惟太原貞表峨峨含爲淵鑑發爲中和大道有本至堅匪磨雖求其約竟獲其多亂歲執喪自然知毀友慈幼弟已外之已作則三語爲天百里雅器虛融時髮所躋名全上德壽闕下寮後胤斯顯天鑒孔昭湛恩被壤冥運登朝一命五馬再榮八昭東南之原歷世封交疑重岡轉伏對闕蒼聳山色靡移松陰不動烈祖之碑孝孫所奉

瀛州河縣丞崔君神道碑

張說

蛟龍蟠乎沼無雲雨而不翔君子志于道無運命而不彰然則變化者是神靈之末富貴者非德行之本守其直樂其分不其至矣世有人焉君諱漪字某博陵安平人在唐爲姜姓炎帝之孫也在周爲崔氏齊侯之胤也遙源長發洪河之水接于天層盤列秀太行之山拒于海東觀所以美其文宗北州所以貴其清族魏冀州刺史簡公諱纂君之祖高也齊散騎常時諱缺君之曾祖也隋大理少卿諱世立君之大父也故祁陽令諱杭君之皇考也承百代之隆慶惣五德之清淳孝友忠肅宣慈恭儉好古博雅隣幾亞聖盈而若虛漢而無象非夫入周公之廟升孔子之堂則憲章禮樂鮮得其門而都矣弱冠以門胄入國學舉進士母第汲亦以明經同年擢弟大理卿張公文瓘人倫之表也目君曰昔兩劉並舉以爲駿二龍焉今兩崔齊飛可謂儀

雙鳳矣摺紳景慕憧憧往來徒宅就居投刺成市若衆流之赴
壑也及親而仕盤栢利貞解褐澤州晉成尉降爲光州安樂尉
換蘄州黃梅尉轉河間丞凡更三尉佐四邑體公綽之不欲勵
伯夷之高操臨事以簡御人以寬雖爲小政必有可觀故八使
巡風再薦清白河上遺老江濱舊吏吟詠餘聲祖述前事人到
于今稱之若夫碧樹煙靄於江潭紅荷藻耀於澤畔寶具炯光
於空浦美玉明潤於斷岸不爲金集作與瑤輦之飾前殿後池
之玩誠自得焉必將有賞心之所歎也况乎殿邦光國之寶罇
俎柱石之器道爲帝王師言爲天下利已而稅遠駕於窮轍頓
高才於下位亦無憎焉固將有知音之所歎也嚮拱元年奉使
上都遭疾終於時邕里之旅館享年六十有二夫人河東裴氏
湖州治中懷儉之孫滁州司馬昉之女也稟訓華室作合高門

嗣徽先姑克和娣婦得容之威圖傳罕有喪親過毀葬華朝落

儀鳳中卒於鄭春秋二十有八長安三年春二月合葬於金谷

卿切山之陽禮也北據高岡連隴南面大道禁林上國皇州川

原指掌仙門宰樹碑闕相望玄靈嘉之是安集無此是宅嗣子

曰用景龍中爵安平縣子職兵部侍郎夙遭閔凶不承誨誘慎

終追遠克家用舉蒙聖主拔竒賞異絕等超倫三顧赤墀之下

以舉青雲之上祿廩所資吉蠲致美實先集作人宥十世降百

集無祥之所及也永惟官不達者身不登乎明堂行不夸者名

不書乎史冊則輜光隱德之緒俾後代將何述焉夫銘景鍾稱

茂代彼大夫之事篆豐石揚令名此孝子之志辭曰

維嶽建國厥生炎皇維師尚父諒彼武王古人言曰必齊之姜

齊之丁公後有崔子因邑命族世濟其美黃鵠倚歌雕龍擅史

倬哉嗣武含章挺生以蒙養正用晦而明混之不濁人莫能名
學以崇道文以慰士集作志垂其雲翼坦然卑位祿逮吾親榮非
我仕於皇集作皇皇上帝建官惟賢有人在下胡寧捨旃孰云輔德
曾不永年展矣邦媛宜其家室友如樂諧皎如月出重壤既兆
終天偕畢北陵墳丘松檟千秋金碑石樓祗令人愁東都城郭
通洞集作洞纏洛飛橋連閣金管迭作人世之轉然兮山川之宛
然兮德音之緬然兮

故洛陽尉贈朝散大夫馬府君神道碑

君諱某字某扶風人也其先伯益贊禹中衍御殷集作非在周曰

羸在晉曰趙上卿以人歸政將軍以馬服爲姓緝熙乎平通重
合焜耀乎伏波中水我高祖汾州刺史諱歸歆我大父鷹揚郎
將諱士幹嚴考獲嘉令諱果濟

美惟

Blank manuscript page with vertical columns for writing.



